



07236

兩浙輜軒續錄卷二十一

龔守正 王楚堂 沈維鑄 朱鴻運 蔡德澄

徐一麟 何丙咸 董正揚 朱栢 許乃椿

梁仁藹 龔家吉 嚴冠 李方湛 吳上尊

陳增 查有新 沈道甯 鄭綹 顧乃德

施嵩 沈學詩 陳焯 姚五庸 黃式祜

謝佑廷 周逢吉 陳祖望 牟立誠 馮慎中

王紹浩 魏繼相 陳寓泰 沈逢吉 施紹武

包樹棠 錢槐 查揆 徐瀛 梁齡增

沈琪 高登奎 陸瀚 胡縉 沈寶彝

臧吉康 徐仁本 楊道生 馮如璋 徐熊飛

范懋裕 尹元煒 謝照 沈庚 蔡梁

兩浙輜軒續錄卷二十二

陳世榮 陳均 張泰青 范廷懋 袁路先

張鑑 蔡鴻燮 董迪 楊尙觀 張復

徐楸 徐廷錫 黃孫燦 王臺 俞寶善

王斯年 鄭湘 周秋光 屈爲彝 孫步培

徐堅 沈志熹 李承烈 曹偉皆 孫步康

陳岫林 張可宇 邱濂源 祝立詔 馮中

...

...

...

...

...



兩浙輜軒續錄卷二十二

督學使者潘衍桐訂

龔守正

字象曾號季思仁和人嘉慶壬戌進士官至禮部尚書加太子太保銜諡文恭著日下廣歌集龔守正

軒集

文

杭郡詩三輯文恭膺館選擢卿貳入直

上

總房典試湖北陝甘江南督學山東江蘇庚子充會試

信國從祀兩廡士論題之

嘉慶甲子二月三日

上幸翰林院

賜宴禮成恭紀

一行鴛鴦立沙隄旌騎農排羽仗齊最喜木天依禁近長安

門左玉河西

上皇會此幸蓬萊周甲重逢綺宴開舊隸尙能談往事白頭

兩見

兩浙輜軒續錄

卷二十二

龔守正

翠華來

舊臣新進許同登排列瓊筵

湛露承身荷

至尊親賜酒不誇當日宴紅綾

一曲清平奏舜絃笙歌隊裏進吟箋柏梁

特許聯吟徧又喜簪毫到

御前

本是承明著作庭敷陳故事見前型登瀛學士誇貞觀領裏

文星屬歲星

歸來身惹

御鑪煙日下同聲盛事傳聞得道傍人豔說

玉皇今日宴羣仙

王楚堂 字雲榭仁和人嘉慶壬戌進士官至倉場總督著酌量成書屋詩藁

胡敬也持法惟平其理財也有條不紊筮仕四十年既履艱辛復殫心力由邑宰以至倉督與利除弊培養元氣之事指不勝屈

桐江留別

鴻泥幾度印江邊蹤迹山齋又一年濟濟生徒新絳帳寥寥
行李舊青氈主賓此後應相憶薪木從前定有緣自笑蓬萊
曾小謫樓居底事更求仙

一角江城圖畫看風花聚散歲將闌雉桑雅化稱三善冰玉
清輝并二難感我聲名因驥尾累人口腹是豬肝歸心已逐
寒流去日落潮迴第幾灘

早賦緇衣適館詩竹窗梧井早秋時月移清影隨琴軫風送
涼聲到酒厄若箇鶯花尋舊夢者番雲樹恨歸期煙波百尺

兩浙輶軒續錄

卷三十二

王楚堂 沈維鐸

二

桐江好應有雙魚慰我思

騰騰燈燄欲分藜起舞誰聞夜半雞但說成山須覆簣休教
測海漫傾蠡蘭茗別有春風拂樽榼重期後日攜惆悵扁舟

江上望蒼巒深處白雲低

沈維鐸

字子彝號鼎甫嘉興人嘉慶壬戌進士官至工部左侍郎祀鄉賢著補讀書齋遺稿十卷

曾國藩撰行狀公為學政所至嘗侃侃自將使表植則
端人士翕然嚮風又因事任功以為人士休自四省之
士與當時嘗所共事之人其所登崇皆曰明其所摘治
皆曰察其所更置皆曰有功于我自分校鄉會試及典
鄉試號為得人如侯官林文忠公晉江陳給諫慶鏞並
為當世所重洎為學政所取尤多機士時論違公之慎
司文柄有以賢於人也

陳慶鏞撰墓誌綜公為仕凡三十七年由文學侍從洎
歷卿貳仰荷

兩朝 公未入則屢與脩書出則疊膺文柄星輅絡繹同朝諸
與夫聲音訓詁文字之學必宗漢人而道理則備于程

未自明薛敬軒胡敬齋以及

國朝張楊園陸稼書諸先生書靡不沈潛玩索求爲身心
有用之學所校刊有程畏齋讀書日程羅整庵困知記
祝人齋淑艾錄汪雙池續近思錄張楊園年譜陳確庵
聖學入門書陸桴亭思辨錄方子春讀易日識最後訂
姚文僖公古音譜序其書謂與唐韻合然

則公之志嚮與其誘進後學蓋可知矣
緝雅堂詩話子彝先生品行方潔學有原木當時朝士
少與抗行先生哲嗣需次吾粵故遺集刻于廣州先師
陳君爲之序
極爲推服

謁陸清獻公祠

昭代論儒術當湖孰並衡廟庭崇秩祀峯仰蔚精英大道聞
原早斯文任獨宏薪傳尋孔孟統系紹周程素志惟希聖中
年獲代耕循良敷海表撫導徧膠城未竟鳴弦化徧教襍被
行歸裝書數卷講舍屋三楹再迫牽絲起多應薦牘呈

旁咨廉惠愛破格擢賢明自拜言官責頻聞抗疏爭臣心字
帝簡朝議順輿評考績時終忤歸田願竟成從違皆澹慮義

兩浙輶軒續錄

卷二十二

沈維鑄

三

8x8

利最研精督學虛

明詔遺編迪後生千秋承述作百氏闢從橫詎見門牆峻居
然俎豆榮

贈階追嚮德

賜謚特尊名世共高山仰人推止水清叢祠猶故里
茂典協羣情絕業眞能荷先型莫與京談經誰繼起瞻像獨
攄誠砌草蝸交篆庭柯鳥和鳴然藜光近照景慕倍心傾

辛卯九日筠潭前輩招集涵秋閣登高次茱堂奉常韻

頻年竊祿住京國黃花開處佳辰遭名流吟社輒走避爬癢
怕諂隔鞞搔石林主人眞老宿涵秋閣上提風騷招邀勝侶
締新賞東籬喚起柴桑陶折簡忽驚到下走登筵且喜陪人
豪風前快飲任落帽酒半出句誇題餠讀畫杈柯老梅樹清

譚浩瀚春江濤起看城雉夕陽映矯首賓雁寒空翔滄洲眞趣宛在目漫道朝市區林皋諸公才捷鬪強韻而我思澗撥枯毫興來亦復不暇懶何異偃僂扶升高蘆花風起易頭白五湖歸夢縈螯釣竿有日約重把記取酒痕留征袍

題江慎修先生弄丸圖爲婺源雷司訓俊作司訓並以

汪雙池先生所著書四種見貽欲余爲之付梓也

早歲得公書制度考鄉黨通籍遊京華羣經恣搜訪專精在三禮綱目如指掌慙余蒼陋妄升堂昧所嚮一編近思注著讀守書梘洛閩溯心源泰山吾將仰校文來歛郡典刑勞夢想拜瞻弄丸圖精神肅遺像

盛代經學昌眞儒道脈廣配食良無慙馨香永世享並時有雙池傳心三代上諸經珍手稿脫贈何慨慷臨風有餘思展

兩浙輶軒續錄

卷二十二

沈維鏞

四

卷恆心賞何時棗梨侵遺言記共獎無謂筭河翁美舉竟無兩

送陳頌南罷官歸閩

太邱一疏重朝端

天語親衷眞諫官戀闕未宜投劾早籌時彌覺直言難歸裝千卷添行色勝地重陽結古歡九日山在南安唐秦公緒注老子處我亦鴛湖

垂釣客南天極望暮雲寒

朱

鴻字雲陸號筠麓秀水人嘉慶壬戌進士官湖南糧儲道

府志鴻與翰林纂樂志天文志時憲志又撰會典圖說欽天監典例於句股圍弧三角推步諸法融貫中西權

大清通禮定史館章程奏展選員赴任程限皆關政體之大者授湖南糧道以忤巡撫求退掌教長沙城南書院造就生徒講求根柢著有考工記車制參解圖說聲音譜聲字譜錄並算學各書行世

次韻衍石古車行

車聲麟麟夜未央羣工趨職爭材長造鳳樓手排鯨行嗟我
錯刀無寸銚秋蓬輪轉隨風颺壯輓說輓笑何常閉門無事
尋有事賤工惡能測良器無有為用轂之利古轍猶存師其
意豈將員鑿納方柄但期菑蚤不齟戾大雅扶輪筆獨健許
我班門漫游衍畢竟虛車何所見古人不乘今人車今人那
竝古人驅願隨君嚮舞交衢

壬辰三月二十三日疊用衍石辛卯江亭詩韻為贈未

就秋夕續為之聊博一笑

昨夜鐙花作笑語詩債應償隔年許不須酒問杏花村知君
囊撥陳泥痕呼童階下掃苔翠豫愁客坐無餘地樹借鄰陰
體覺涼架親古澤心先醉上人犯曉已出游何處隨波作野

兩浙輜軒續錄

卷二十二

朱鴻

五

七之二

鷗春興濃看山欲飽春光老聽水同流先生樂非世所樂先
生憂非人所憂傀儡登場有幾輩面目可憎亦可愛嬉笑怒
罵無事無一繩牽出一箱內麾之使去亦快哉免卻當頭一
擊碎留此悠然太古春春心不共輪回輪心長自在春長在
同心況有同歲人謂杏村君游任吾意所至我詩未能適我意

君知否我懷此詩幾半年春風猶滿秋燈前

蔡德澄

原名德淳字樸園石門人嘉慶壬戌進

縣志德澄善聽訟邑有姑婦孀居以湯餅食餓者斃姑
婦均受誣德澄反覆勘之得毒鼠藥於麪筐冤遂雪其
他惠政甚多陽湖孫星衍稱為山東第一循吏

宋士彥序略樸園大挑得印縣改就教職任於蕃樂清
教諭以童子正誼明道之言助士子一時胥服其訓知
齊東縣事清鹽筭除布稅興義學建書院士民交慶謂
數十年無此好官於北關外懸楹帖云堂上長
下者建生祠於不帶一錢歸蓋紀實也

登玉甌峰宿玉虹洞僧舍題壁八首 錄二

世界茫茫瞰大千丹梯石磴自盤旋巖空突起疑無地洞遠
斜通別有天花板屋三間修竹冷石壇一徑古松圓茶煙芋火
分明在悔墮風塵四十年

寶閣凌虛紫氣生一天星斗挂前楹峰高欲盡甌江勝地僻
能分雁蕩名山山一名雁蕩入夜松風吹未了半空花雨落無聲詩

成豪興仍難已踏月閒行到五更

題孫玉樵自怡集

畫舫笙歌往復回六朝煙月幾樓臺不愁畫本銷金粉自有
新詩寫照來

酒籌花譜客中情小令當筵付玉笙風月依然楊柳岸瓣香

直接柳耆卿

兩浙輜軒續錄 卷二十一 蔡德澄 徐一麟

六

贈徐茂才

伴我登臨興轉適雲山到處為句留黃花玉甌思前約紅葉

金溪記勝遊連日遊玉甌屐躡徐陵偏跌宕朋攜張緒足風

流謂張子一樵明年雁宕探幽去更擬題詩最上頭

徐一麟 字牧庵平湖人嘉慶壬戌進士官廣東大埔知縣

縣志一麟歷署萬川南海知縣均有惠政旋宰大埔江西會匪朱石崇竄匿廣東延高雷廉三府一麟擒獲之而焚其冊籍絕不株連宦游二十年晚歲就養餘東子舍道光辛丑重游泮宮著牧庵雜記六卷

靈巖紀遊

正是江南飛絮天梁溪回櫂卻輕便筍輿重鼓游山興茗具
多攜載水船出岫閒雲乘暇日歸巢老鶴更何年相逢幸託
苔岑契松柏羣吟好擘牋

題橋李橋丙舍

墓門誰與剪榛蕪頭白將雛尾畢逋培土豫籌新雨雪種松
好補舊根株夕陽古渡斜通岸秋水澄潭曲抱珠難得枌榆
諸父老三春遲我喚提壺

何丙咸

字辛六蕭山人嘉慶壬戌進士官翰林院編修

題任四紫峰淇園菜竹圖

石上獨盤桓辭榮不振寇風塵羞吏俗書味笑儒酸欲紹昌

黎業甯投東海竿伊誰知道意老眼靜中看

董正揚

字眉伯號暈柯泰順人嘉慶壬戌進士官江西大庾縣管味義根齋詩稿

孫鏘鳴序略泰順自前明景泰開始置縣地斗入萬山中於吾郡最為荒僻然以吾所見

國朝乾隆以還其有專集梓行如曾復齋之徵石沈雄董眉伯之清新綺麗皆視古作者無多讓

自第一濼至第二濼俯觀懸瀑

兩浙輶軒續錄

卷二十二

何丙咸 董正揚

七

又上文

平林勢忽殊閒做鬼斧斲山骨劃然分爲兩斷峽開豁訝長
流此奔盪坳谷覆漏釜垂崖削深盜驚湍隨天風跌宕作奇
響歸雲如柳絮與水俱下上盤渦不見底俯瞰迷恂悅應有
老蛟蟠曬鱗見或倘

百丈口放舟

峽束高天迴輕舟此溯洄碧環千樹合青劃萬山開篙影穿
波曲灘聲得石哀蒲帆十八幅幾日到松臺

訪隱者居

芙蓉三十六何處是仙家一逕前峰轉溪流數片花小橋村
路細古屋夕陽斜待入深林去相從采菊芽

溪橋

小立溪橋畔寒臬落日時灘危魚上少林近鳥歸遲月向蘆

花得秋先老樹知臨風敲阜帽望遠不勝思
葛嶺懷古

集芳園北玉巖東多寶樓臺想像中蟋蟀鬪殘天水碧鷓鴣
嘯斷木棉紅書傳玉枕千年重畫笑螺屏十事工隄樹湖波
來息影野梅無處問春風

讀梁書

貞白昭陽著短篇寶公太極語堪憐蘭陵老子金甌缺愁煞
當時佛與仙
末路英雄最可憐此身誰與贖金錢前因自是禪家客五百
年中忍辱仙

宋徽宗畫鷹

抉雲健翮露精靈素練纔開殺氣腥杜宇自嘯天水碧秋風
兩浙輶軒續錄 卷二十二 董正揚

八

更寫海東青紇干烏鵲無生樂敕勒牛羊有涕零不見活羅
遼水上稱兵也自覓霜翎

下灘

朝上百步嶺暮下百丈口地名萬山圍一溪建瓴向東走人過
石腹中舟作寒鯨吼浪花亂低高峰色忽前後回看天際雲
白日變昏黝

上灘

高空風雨聲層灘如鱗次船頭木庚庚舟端有孔以木橫穿其中灘則以背負之
船尾篙礙礙後者鶴聳尻前者猿聯臂一步再蹉跎與水
爭尺地心虞輿瓢裂力謝挈瓶智安得船趨風朝朝逆灘至

鄒平道中

客先山鳥起微霜在馬背孤月低隨人明星澹相對人語寂

不聞但覺鈴聲碎

桐江道中

一鳥窺山翠衝巖帶落花春江綠於酒錦鯉赤如霞聞有煙
波叟言乘星月槎一椽容卜築來傍老漁家

濟甯登太白樓用元美韻

不見騎鯨客仍傳載酒樓偶然成一顧此地已千秋濟水無
終極匡雲不可留風塵經過者誰是季真儔

游莒岡之龍潭

樵迹所不到神天闕奇境不圖入山來峰轉得奇騁圓石凹
爲潭大不踰一頃懸流下高天仰矚勞引領側注等窪尊不
鑿同浪井斫盡此山藤未足當修綆試以巨石投餘響振岡
嶺羣魚作隊來斜斜復整整重碧迷藻莎纖紅亂菱苕碩龐
兩浙輶軒續錄 卷二十二 董正揚 九

山莊夏日

青山舊有廬閒共老農居衣曳含風葛牀拋引睡書樹深迷
過鳥荷密礙游魚聽瀑西岑曲匡君也不如

題子彝太鶴山房集

太鶴山何高突星水何澳文成公以來斯文鮮雄鷺我我湘
巖君韓介山先生驥足欲追蹈才筆貌左莊形肖神則耗吾友子

彝子異境自闢鑿威鳳一騫鳴百鳥失翔噪胸中三萬字秦

火所不到風雨入其腸乾坤隘覆燾劃然出筆端采入鬼神
奧旁搜及奇胾遙溯窮墳詰麗則少陵歌魚雅昌黎操如禾
種出土如鳥卵脫菴雄若摩天劍逸若當風燾朗若明當珠
古若上宗瑁采若錯鷓冠甘若和劔芣聯若峙巖城分若列
巒笑拈花老聃聽踞竈我疑帝靈文上清祕壺隕六丁守不
得乃爲妙手盜莊嚴隨長恩奇譎釋寶眊淡極味新腴愛窮
意轉媚譬如哺飢餐酸醜得嗜好不意正始音子也儼然造
俗子媚於辭卑靡殊可悼刻畫無鹽姿修飾徐孺毫花鈿滿
面裝一例好嬉倒欲以短褐物而鄰織與縞織兒自標榜相
和驚羣譟嗟子主璧身頻年困席帽人作火馬迎子甘溪禽
嫖俗樂進緣撞雅舞失鳳翻終期別寶人鴻名爲子報雲龍

兩浙轉軒續錄

卷二十一

董正揚

十

又三八

欲追從鷓鴣異遲趨高吟二鬼詩與子斗酒勞

湖上晚歸

拗得花枝插錦鶉斷橋東畔水亭邊柳陰人繫罽泥艇荷徑
僧搖盞飯船古寺鐘聲催暮色夕陽樓影浸湖煙歸來攜取
清溪石供向雲窩伴醉眠

登浦子口城樓

麗譙高建翠微閒形勝當年壯赤寰萬里三江雙派水一樓
四壁六朝山天迴牛斗環中極海送虹船匪下關何處笛聲
來浦子美人遙在落星灣

滁州懷古

一州如斗萬山中天水曾憑作鎬豐東海鯉魚飛不起西京
石馬氣何雄百年社稷開韓國一代文章有醉翁野渡亭邊

西澗底山花猶似夕烽紅

百亭更出一斷劍子亦古物也重爲作歌

古錢如名士只可作清供斷劍似半人尙堪一割用君家所
寶兩劍子其一僅存半尺耳曾經剗犀與截兕忽斷長虹翦
秋水寒雲半滅青芙蓉一折何嘗挫芒鋒况復見首不見尾
佩之可以當神龍君不見半段槍一寸鐵殺人只愁濡縷血
神物不作繞指柔世閒至剛終須折鳴呼終須折爲淒絕貞
女貞烈士烈

渡鄱陽湖

九江之水禹所經曰互吳楚揚與荆歎欲笠澤淪洞庭環以

廩菌惟官亭在鄱陽者山以名彭蠡匯澤殊厥稱初學記彭蠡一名匯

四州支川誰所并洲渚浦澍相回縈圓者如環方者瓠大

兩浙輶軒續錄

卷二十二

董正揚

十一

八十一文

淪小瀾直則至沐日浴月涵列星我從玉水呼津瀆蘭橈桂
楫如鳧輕一棹界破蒼煙橫便隨釣客來遐征滄波汨汨風
泠泠蒲帆獵獵雲溟溟柁樓搗鼓揚飛鱗如壑縱魚鞵脫鷹
天宇四蓋垂圓窳空水一氣搖光晶高寒倒壓冰壺冰日華
暎暎嬌霞頰青紅盪碎琉璃屏綃縠綺妮鞞紋生軒然大波
忽盪碎雷車百萬紛鏗錡大孤小孤何媼姪修容嫋顏淑且
貞廬岳九疊維南垓半空自掃長眉青妙鬢斜鞞交珠纓如
羅台胥鬪尹邢洪崖拍手吹瑤笙天瓢滿酌雲漿傾婉婉矜跨
鶴夫容京桃花一放三千齡鳳翥翔降玉鞞翩然而下集
遙汀一笑向我波閒迎百八十里空中行萬八千頃無留停
豪吟我欲呼九靈大魚如龍出浪聽一刹那頃洪都城滕王
高閣初桃登快然大嚼萍江萍馬當之風古所徵健筆阿誰

繼清聲作記聊以記行程願此水化爲醲醑西江一吸如長
鯨醉倒夢隨明月升此閒樂不殊蓬瀛冷然遇風記我曾

鐵柱觀

謾母桃花一笑迎千尋鐵鎖此孤擎蛟龍虛壁寒留影鸞鶴
空霄夜有聲東晉衣冠歸碧落西江樓閣儼瑤京玉書金簡
容高嘖欲向仙家結道盟

朱

棧

字蔚林號芸夫彭子錢
塘諸生著芸夫詩草

杭郡詩續輯乾嘉之間朱青湖彭擅盛名接武杭厲芸
夫及其弟閑泉過庭聞詩各有所得芸夫善鼓琴又精
醫術

游棲霞後山

尋山喜幽深不憚紆徑入拂袖衝寒煙褰衣踏叢碧風號山
有聲溪冷樹疑涇巖翠亂石影黯淡菲一色斧鑿混沌破豁
兩浙輶軒續錄 卷二十二 朱棧 許乃椿 十一
然洞宇闢經聲出修竹中有維摩室斷雲冷古松枯藤裂危
石何當結茅亭長作餐霞客

秋雪庵

閒放孤篷向晚村冷冷修竹蘸波痕蘆花兩岸白于雪溪水
一灣清到門客至叩關聞犬吠僧留煮茗聽禽言平生頗羨
幽居樂抱膝長吟倚樹根

許乃椿

字子莊號季青錢塘諸
生著無盡意齋詩鈔

珠湖草堂筆記季青詩才獨儻性格清高嘗與余同周
寄盒汪月樵錢次軒汪劍潭相唱和如巫峽秋高猿嘯
月劍門天閭馬盤空廢墨殘煙征
士淚荒園斜日故人情爲時傳誦

寒吐

寒色漸淒緊秋蔬翦欲空斷雲橫地白殘蔓帶霜紅萬物已
如此羣生藉有終凋零何敢惜不語立谿風

淮陰客感

畫角吹殘落日收，客心寒共白雲流。
馬前野色通沙市，樹杪河聲入郡樓。
俠少短衣刀似雪，故人長夜笛悲秋。
英雄一飯當年事，回首西風起暮愁。

清明後二日武海桐

文斌

薩尹招同人集飲湖上分賦

六朝風物正清華，舊地重過泛短槎。
離別恨銷春後柳，淺深香度席前花。
算來煙景惟三月，能住亭臺有幾家。
芳草解憐傾國色，青青還上玉鉤斜。

舟泊安豐謁吳野人先生墓

雲端一鶴自朝昏，長爲先生守墓門。
萬古只留坯土小，千金難買布衣尊。
在家名姓傾湖海，傳世文章當子孫。
今日經過薦杯水，聊歌楚些與招魂。

兩浙輜軒續錄

卷二十二

許乃濟

七

西谿曉起探梅

天曉月欲澹，雞鳴梅花嶺。
居人半未起，山橋煙火靜。
尋香窈窕入，謂是非人境。
不知萬壑中，蒼雪浩千頃。
雪下俯流泉，巢鶴照孤影。
佇盼隨趣呈，冥搜愜心領。
初陽上前峰，空翠忽光炯。
遙聞欵乃聲，何人擢煙艇。

竹林寺

修篁交掩靄，微風蕩虛翠。
石境生積陰，不見日到地。
迢迢向山路，蕭蕭入僧寺。
禽鳥寂無聲，但聞梅花氣。
林公此開闢，巖壑饒秀異。
乘興復流覽，蒨蒨遂恣意。
清磬破樵響，飛泉亂松吹。
願言依此山，端居謝塵累。

送汪藕塘

蓮

明府之任秦中

津潼形勝鬱嵯峨，想見蒼茫畫裏過。
萬仞嵐光盤太華，五更

曙色照黃河漢庭待奏邊城責羌女爭傳塞下歌莫向陳倉更懷古夕陽衰草出關多

寄懷李少白

琪

拋卻家山悔浪游乾坤吟嘯雪盈頭殘鐘帶醉歸蕭寺落日思鄉上戍樓老去文章都化淚別來花柳未銷愁聞君小隱吳陵路占斷蘋鄉幾白鷗

題陸聽山春廬明府西川行役圖

遙傳片檄下蠶叢攬轡登臨氣象雄巫峽秋高猿嘯月劍門天闊馬盤空題詩萬里秦雲白轉餉三軍漢幟紅全蜀久知君姓氏傳家原有渭南風

梁仁謁字小雲錢塘諸生

古道

兩浙輶軒續錄卷二十二

梁仁謁龔家吉嚴冠

古

川文一

頻留霜迹板橋西古道蒼茫衰草棲茅店斜陽曾繫馬荒村殘月慣聞雞白雲一徑歸程遠黃葉千林客路迷多少行人從此過關山渺渺老輪蹄

龔家吉

字蓉孫錢塘諸生

南湖新綠同車小芸

伯雅作

春深夏淺景偏妍試眺平蕪欲化煙榆莢雨過鸚鵡岸棟花風起鷓鴣天遠山一抹裴休宅新漲三篙范蠡船我正憑闌詩思切夕陽煙靄總蒼然

嚴

字四香仁和諸生著茶壽齋詩

緝雅堂詩話四香畫梅花至工嘗見其題句云
空山無人月初落殘雪乍晴花亂開殊有清韻

懷人絕句

毳帳文螺舞柘枝旌旗相送送春時尉佗臺下琵琶月都唱

將軍競病詩堂王午

打頭屋裏張公子身計頻年異樣疎眼白耳紅豪氣在夜深

燒燭讀陰符張情田

祕閣十霜供繕錄眼穿髮白累高堂傳言更入平原席悔繁

斑駁送陸郎陸玉林

鸚鵡洲邊悵暮雲才人詞賦說紛紛商量載酒紅橋去月色

簫聲訪鐵君林鐵

李方港字光甫號白樓仁和諸

府志方港與黃孫燦孫蔚朱咸朱壬陳傳經徐鈺施紹培李紹城姜甯李堂蔣剛少同志學賦唱甚多王昶主

講數文時方港以十二人所作詩進翼用為審定七百餘首為同岑詩選

盛又工倚聲所著紅杏詞頗妍妙

白衲庵曉起

兩浙輜軒續錄

卷二十二

李方港

春山挾春雲浮動不自主東風一以吹散作前溪雨雨止山

依然風定雲更吐幽人曉夢清披衣聽鳥語初陽尙未升山

閒雲縷縷不知身在山但覺雲滿戶

讀汪水雲集

待詔三宮事已非吟成一字一獻欬情如臣甫歌同谷怨似

風人賦式微紫塞久拌隨輦去黃冠何意抱琴歸可憐一代

滄桑恨不在金張在布衣

偕家允升重遊河渚看梅泊舟雲溪庵

鷗鳥見已熟復來尊煙艇遙山回春姿掩冉無定影花光水

上來化作溪雲冷濛濛染衣裳風香任人領清磬一聲圓茅

庵隔畦町

河渚

舟蕩一溪煙淩風意渺然竹光多在水山影不離船欲結三
閒屋曾無二頃田回頭語明好風景勝斜川

吳上尊

字典彝仁和諸生
著能改齋詩集

吳振械傳畧典彝為竹堂先生從孫少孤學于舅氏
潘蘭公侍御詩文得其指授工草書及大小篆

雨宿草橋墅

亂柝連城急孤燈戀夜明宵長延客夢江近識潮聲雨破春
愁早寒嫌酒力輕行將理征棹無那別離情

陳

字月揮海
甯諸生

海昌備志增王考據周
松霽大令極器重之

耄餘詩話增六歲能詩才氣縱橫足以推倒流輩丁卯
正月游揚州以行卷就正於中丞阮公公大加賞識錄
其詩入彙
洲筆談

周松霽師曇花館觀所藏日本國人松貞文元泰古梅

兩浙輜軒續錄卷二十二

吳上尊 陳 增

六

園墨譜歌

奇書久落滄溟外一朝流入中原界題曰元文寬保年撰人
日本松元泰國在樽桑東復東松滋侯擅舊家風官階司馬
和泉掾聲價南都御墨工元霜釀作烏丸色新製偷靡無與
匹贊普親題千歲松島夷爭購一螺漆老住平城便著書元
元齋裏閉門居恰看絕域書成日正是

先皇御極初乾隆三年錦軸牙籤分四卷大墨御墨居其半和方

式更續唐方和是國名唐是漢書凡四卷一曰大墨式二曰

方式蓋自謂其國卷中活紙肖丹青花竹翎毛細刻銘似向

日和漢人為唐也牛闌染僊畫似從龍窟覓幽經果然好幅松煙墨灑上白雲

雲亦黑斬鼉能譚磨伏王剗心莫問浮提國西來崎港接中

朝黻欽曾將方法鈔寫從譯士羊皮紙傳出名山鹿角膠奚

超張過名千古後來之秀方于魯誰知七十二島中又得古
梅園墨譜分明五斛綠續翻石汁金壺論太繁小印官工松
井氏大書剗刷柳枝軒皇城茨元道梓海人題跋紛難記右亞將堀正修等
中有

大清人一二茗溪沈陵與溫陵吳鐸飄泊萍庵海上地如此

遺編不可尋濂溪夫子最淵深中華以外書接遍第一人閒

翰墨林南倭風物多清穎不與侏儻禁昧等文章妙若服元

喬經義遁如山井鼎長崎館外海雲稠造墨人還隔九州今

日優曇華下見勝他隨月讀書樓揚州江氏樓名樓藏日本國人所著七經孟子考文

遺補

寄懷楊芸士丈 文藻

揚州西去眞州路津柳條條解送迎客況倦餘猶作達才人

兩浙輶軒續錄 卷二十二 陳 贈 查有新 七

癡絕爲多情 凌絲蟹火牽秋夢 蓴菜鱸香憶遠行 等是天涯

飄泊命輪君及早計歸程

查有新 字銘 三海甯諸生 善春園吟藁

家傳略春園事繼母孝母耽載籍慮久視病日春園以
口誦母以耳受恆至深夜母性嚴毅怒以辭色則顏愈
和必得母歡而後已嘗肄業成均祭酒法公式善甚器
之詩以發摠性情爲自得所養揚人善有懷詐侵欺者
氣如一私室所言不異廣坐活者好讀書喜老莊旁
含笑而已力行善事多賴以存活者好讀書喜老莊旁

郭馨字略春園攄寫情素寓物託懷有婉篤之思無窮

末之誓以游倦思息優游里中課子抱孫得以其閒長

吟曼賦日篇月賦手自刪存信乎其有

張問陶曰古體矯健不羣今體亦醜釀亦通脫各臻其
妙余三十年作詩纔解謀篇之法君竟優爲之安得不
傳

法式善曰山水清音雲霞變態胸有天慧筆是
化工君家故多詩人是又得一煙波釣徒也

阮元曰清新俊逸情文相生每於自然渾成處激爲警策氣體不落小家

吳江道中遇雨

草色波光綠到天
翦江風折布帆偏
疏煙到岸忽升樹
急雨穿雲爭入船
塔影橫衝鴉背出
江聲怒挾浪花旋
計程今夜閩門泊
一曲瀟瀟攪客眠

讀周松靄先生所著佛爾雅敬題

夙聞朱文正

石君相國

曾撰佛孝經
吾鄉有耆宿
爾雅文一新讀

書十萬卷
大藏揆滌津
三月成此書
至寶集璘斌
體例仿經

籍注釋效景
純公本名進
士岑谿著
循聲生祠
巍然在佛現

宰官身猶憶
壽者相鹿鳴
重飲醇此書
什襲久呵護
洵有神

曼生

郡司馬陳鴻壽

好奇古校梓
傳千春勿謂
恆河沙名相
算無垠

足資多聞益
慧眼應垂青

兩浙輶軒續錄

卷二十二

查有新

文

又文二

自京口泝江而西卽景有作

微雨乍止東風起
榜人含笑輕驅使
連宵阻滯爲漕船
空江無礙差安便
金焦北固我舊識
無數煙巒多拱揖
此身恨不如飛雲
峰頭鸞鶴常爲羣
江南諸山爭聳翠
似臨明鏡呈眉黛
波濤洶湧自西來
鼉鼉踏浪增喧嘩
逐扁舟一葉輕如紙
除卻舵工何所恃
心平一任險中行
高歌翻使魚龍驚
猶嫌風軟帆未飽
孤篷安得疾於鳥
月圓今夜吐明輝
預擬徐登燕

子磯

輓陳簡莊徵君

卿嬈十萬卷
眞儲識字精
研製字初君精說文之學
絕學曾聞驚老

輩徵君屢見領
公車登孝廉方正大科復舉於鄉
小園晚遂幽棲志
外國

爭求近箸書所撰論語古訓行至朝鮮
愛我相於逾廿載
老成頓謝淚沾

謁家伊璜先生墓

夫子明遺老奇才孰比肩
 闡經通數理講學貫人天
 樹立千秋業交游一世賢
 名思登太室身擬畫凌煙
 詎意中興佐偏逢末造年
 潞琴聲變徵義旅勢終孱
 勝國眇心膺南都況播遷
 石齋肝膽共蒼水事功連
 赤手擎無益青雲志乃捐
 鴻鳴三竺屢言旋遣悶梅花
 讖陶情玉瑒緣歌童推蝶
 粉舞女鬪嬋娟樸樹園殊
 遂桃源景最妍雪中人獨
 賞溪畔釣長懸史斷嚴而
 確兵機制以先逃禪非佞
 佛夢帝豈遊仙左腕書偏
 妙緇衣服故翩寒潮悲既
 逝封事錄從前輯譜敦同
 姓傾囊置墓田東山高臥
 矣抔土竟營焉公墓在袁花東山之麓
 神道無碑碣兩浙輪軒續錄

卷三十一

查新

沈道甯

鄭補

九

又之八

明禪之豆邊縹雲猶在眼瞻拜一潛然

沈道甯

字君泰號湛然嘉興附貢著靜觀書屋集

耐冷譚沈明經湛然讀書敦孝悌弱冠卽肆力於詩古文辭惜年未三十而卒

舟發長水途中卽景

西風扶櫓悵沈吟迢遞川原起夕陰
 黃葉下時秋漸老白雲深處日初沈
 摩霄野鶴仍無侶爭食昏鴉已滿林
 莫爲窮途悲壯志扁舟已遂故鄉心

鄭補

字喬版秀水人嘗醜石居遺詩

家傳略公以破黃術名于鄉所與遊多名人畸士性質直不假修飾平居無事恆託歌詠以自遣

竹西草堂觴鞠卽席留別陳亦園

相攜出深樹仰首見晨星
 一水花前白雙峰鳥外青
 合離證

夙夢去任信浮萍無那西風急蒲帆下遠汀

顧乃德 字培堂嘉善諸生

郭麐撰墓誌君未弱冠受寶諸城學使知補弟子員善治經總諸儒之說能舉大義文有本原黃安濤贈詩云時疏只作尋常看誰信千秋史筆傳其言良允

南園落成

兩條堤畔數閒屋半畝池邊六角亭
夜月梅花和雪白春風楊柳映山青
南枝眾鳥嗁相和北牖修篁響不停
水榭朝開看戲鴨湘簾暮捲入流螢
爬沙瘦蟹扶紅蓼隱渚游魚動綠萍
蕉院涼生新雨過菊籬寒透曉霜經
詩逢佳句百回讀酒到良時幾日醒
好景聊憑巴唱寫替君藹紙補窗櫺

施

字禮登號少峯石門人著少峯詩鈔唾餘集有閒味居偶存

許仁杰曰少峯家語溪之玉河灣為南北孔道四方仰丰采者多造廬請謁少峯應酬無倦容中年無子好施子家素封以是日落晚不能製寒衣濟人猶市膠州帽數百以應請者參訂邑乘子貧發苦節多所甄錄生

兩浙輜軒續錄

卷二十二

顧乃德 施嵩

三

七十七

平詩文外兼工山水時真畫放生其天性好善如此

題張解元叔未

廷濟

清儀閣圖

清儀閣解元藏書處翁覃溪閣學題額閣外多竹阮芸臺中丞又顏其居曰竹田深處因屬余繪圖

和靖梅花元亮菊何如張廌蕭森竹竹有清陰碧四圍就中結得三椽屋不數輞川館不數黃岡樓赤日無漏影六月如涼秋千戶侯封安足擬此君日對良可喜室儲萬卷富于倉竹聲纔歇書聲起高寄真成鸞鳳羣風枝雨葉埽塵氛綠雲一抹侵衣袂門外華軒駐右軍山深林復密引人入佳境橫琴待月出敲碁消晝永擘窠大字看題勝樹猶如此人堪想虛衷直節泯參差亭亭留待干霄上浣筆為圖生面開十年樹木意徘徊何當選勝鷺湖曲曳杖琅玕多處來

題澗芝弟墨竹

蘇眉山文洋州千古畫竹無與儔吾鄉梅花衲希蹤李薊邱
數公法同體各異有如衣鉢相傳流後來朱鷺瀟灑亦可喜
終遜夏景與沈周咄哉魯孔孫揮寫直幹同長矛葉取疏落
不取稠吾弟澗芝生獨晚筆迫往哲何清適興酣寫尺幅草
堂正新秋枝葉多變態四壁風颼颼對之可以醫我俗何必
鼓棹瀟湘游

徐烈婦詩 并序

順治間流寇亂鄉有徐氏婦煮酒殺雞與夫訣曰寇
深矣盍去諸我婦人也有死而已寇至其夫負子出
婦被獲賊帥欲犯之婦詬詈交至賊帥怒甚取刀劊
其腹抽腸掛樹而去翌日夫歸求之野婦氣未絕聞

兩浙輜軒續錄

卷二十二

施嵩

三

夫至忽瞋目曰妾賜在樹君爲我納之遂卒余憫其
烈作詩以俟采風者

結髮爲夫婦借老矢同穴何當遭寇亂白首難可必哀哉鬼
狐羣豈少野鴨匹微軀亦自愛靦顏慙媮活高高夾道樹滴
滴滿腔血妾身不可污妾腸甯可出一死謝良人此志誰能
奪至今百餘年聞風猶烈烈名與玉溪長萬古流不竭

至若溪

百里若溪路臨流一扣舷夕陽山外雨秋水鏡中天楓葉疏
村路蘆花隱釣船隔林堪小住何日此高眠

寄十一弟 肇

一從分手後孤館日相思聽雨無眠夜看雲獨立時病多宜
斷酒身瘦莫吟詩轉瞬春光暮池塘草已滋

田家雜詠

輕風吹百草野田嘯布穀東皋春已回南畝勤載傲農家終
歲計所望在成熟四體苟不勤飢寒早已伏侵晨荷鋤出口
夕返茅屋辛勤從此始敢恃一犁足

沈學詩字筠垞平湖廩貢

府志學詩好學工書屢試不第會楚蜀軍興握槩從戎
蜀帥勒保特奇其才羅致幕下事定敘勞遂由
梁山丞遷慶符令以丁母憂歸服闋起知溫
都縣所至催科不擾獄得情豪猾屏息庚辰辛巳開
廬墓承嗣知大吏以廉卓薦起選有屏以父憂去喪畢
除奉天海城令縣濱海地僻民不與學爰立義塾給膏
火拔王衷亮於童試飲食教海卒成進士民始競勸軍
屯田增租議起再三力爭事得寢在遼三載兼攝奉天
治中新民同知蓋平廣甯知縣以勞瘁卒於官著有諸
葛忠武侯全集補遺

觴月口占

兩浙輶軒續錄

卷二十二

沈學詩 陳焯

三

上三

萬里此明月晶瑩落酒杯子情信高潔蟾兔莫相猜

陳焯

字映之號无軒烏程貢生官鎮海訓導著湘管齋詩稿

府志焯少有文名受知於韓城王杰挈之入都一時名
公輒交出所藏名蹟助供清賞遂作寓賞編暮年鉛槧不
輟屬續之夕尚以手纂湖州詩錄為念道光時始刊行
蒲褐山房詩話映之清才博學所居湘管齋具圖書彝
鼎三希堂法帖釋文考其行草偏旁印章名氏以惠學者
欽定三希堂法帖詞人逸事綴其事蹟蓋浙東之行祕書也其
所至采訪詞人逸事綴其事蹟蓋浙東之行祕書也其
詩采采流水蓬蓬遠春正如表聖所云常游粵東獲水
坑上品且摹懷仁聖教於丙水華二字刻銘硯背以贈
朱大令笠亭筆贈贈於丙水華二字刻銘硯背以贈
之文笥每溪雨欲來云然光潤

安吉宋明經芝山為寫湘管齋圖並題古風次韻為謝

當年闢地構茆屋偶種森森數竿竹何期妙繪揮煙雲更枉
佳編吐珠玉高吟磊落見性情畫致蕭疏謝青綠君家本近
中條山遊蹤應歷王官谷味外得味忘酸醜品入司空廿四

日餘事兼於六法精一水一山必甄錄詩中有畫畫中詩如此襟懷邁塵俗束手驚看王宰圖廬吟歎絕陽春曲他時歸去擁林於清齋不厭食無肉嘉話還增寓賞編余所錄唐宋元明人書畫編名看取琳瑯繼都穆

育王寺古松歌同黃小松作

育王寺前有古松枝幹夭矯騰蚪龍蜿蜒爪尾似隱見峻嶒頭角覘奔衝昔聞秦伯宋李觀字目以晉五大夫不邀秦封撐風措雨越千祀至今華茂標春容眼中見松亦多矣大抵拔地參天起清風臺下縱屈蟠報國寺中但層壘永平夷齊廟清風臺京師報國寺皆有古松極離奇爭似此松形詭怪全身斜挂同摧壞兩人合抱掌猶懸勢向西南成法界偃而忽仰仰又偃在往不左右還挂由幹尋枝糾且纏撥皮綴葉鱗兼介我來未得看放光含秋

兩浙輪軒續錄 卷二十三

陳焯

三

空說桑門藏鳥雀不棲花不采神明境裏經冰霜徘徊暢好妍和候空翠霑衣正晴晝若令張璪畫當時未必奇縱如我觀還同謝客三歎息枉詡振華誇啟秀除卻名山與大川人閒何物如渠壽

題英德石硯山

我自英州得拳石也邇拗出三數峰透尙難言卻皺瘦中藏洞穴尤玲瓏怒起恍若擲獅象迴伏不必騰蛟龍紺影浮動佛螺髻白脈繚繞青芙蓉製作硯山位硯南蒼翠滴入陶泓濃袖中東海出棊几怪石何藉坡仙供伊昔翠微與海岳紹興彭道祖號翠微居士庵地易去難留蹤坐令玉蝮頻滴淚哦詩歎息徒無惊我今與汝日靜對秀氣撲似千山重時復一漱足礪齒盡消磊塊開心胸

不見元真子煙波何處尋移情東海上定學子春琴舊雨濛濛散停雲靄靄深永懷難寤猶秋葉正悲吟

紫陽別墅有周震摩厓石刻詩因次其韻

泉石耽成癖園亭借作家捫蘿緣磴上剔蘚見題斜敢擬舟

藏壑甯同鏡映花虎林傳吏隱元人李衍號虎林吏隱亦願老煙霞

勞攘風塵後稍安卽是家玲瓏山骨瘦澹沱水痕斜風落猶

聞葉冬寒不見花朝暉兼夕照卻愛望雲霞

細讀摩厓作汝南識故家昔卽周氏所居筆峯排曲折謂筆架峯釣石帶

敲斜謂垂釣磯儘可爐煨芋還期雪作花螺泉涓滴出酌飲勝流

霞

書畫南宮舫門庭北墅家院書有南宮舫看潮石臺峻謂看潮臺巢翠草

兩浙輜軒續錄 卷二十二 陳焯 姚五庸 黃式祐

亭斜謂巢翠亭詩徑尋山腹謂尋山詩徑春池聚墨花謂春池攝官聊至止

逸興共飛霞

姚五庸 字素園武康諸生

阮元序略素園家前溪處輒行吟忘反往往投宿僧房詩似東野可謂孤介之士矣

徐熊飛曰素園輯前溪文獻按訪撰錄甚費苦心

題宋小茗廣文著書圖

草元亭倚語溪灣花木蕭疏畫掩關到老只貪詩味美安貧

便覺宦情閒青緇卷富供饑眼黃葉孤村抱碧山故里羣峰

齊引領遲君點筆望君還家樸人擬與先生同纂唐栢志

黃式祐 字爾直號善山鄞諸生

清明後二日借黎曉村先生圖南二兄及季弟同遊莊

山寺

春意正容與春光更妍媚聯袂春山隈言入春山寺略徇深
溪橫晴空滴青翠修竹閒疏林綠雲透香穗入門參古佛精
舍妙位置小閣俯平原曠觀愜清意瀛海環其南茫茫極天
地帆檣細于芥條忽千里至魚龍金甲浮扶桑方斂轡靈巖
微雲開煙波繞幽致日暮行復歸別蘇書遊記

謝佑廷

字再桐鎮海諸生著自
怡集賸餘草雞肋草

登候濤山

青巒如髻擁城邊砥柱狂瀾此折旋日出有聲疑浴浪地圓
無際但浮天劃疆島嶼參差列守隘漁舫次第聯回望江山
歸一掌幾聞滄海變桑田

科頭坐踞梵王宮咫尺煙波萬里通鷹隼連翩雲影外帆檣

兩浙輶軒續錄

卷三十二

謝佑廷周逢吉陳祖望

三

×××

出沒浪花中欣看秔稻榮江泝不信蓬瀛在海東大似此心
無障礙已除色相得真空

住小白資福菴

穿橋一水綠迴環中有幽蹊曲復灣清磬數聲穿樹出老僧

攜杖鶴同閑

周逢吉

字宜民山陰廩
貢署龍泉訓導

龍泉學舍遣懷

門庭寂寂半苔痕古木寒鴉僻似邨博士新銜成薄宦詞科
舊價愧清門垂蕊繞屋閒情寄菖菑堆盤至味存獨酌微吟
涼月夜一尊思與故人論

陳祖望

字翼子號拜鄉會稽諸生箸思退堂
詩鈔十二卷青琅玕吟館詞鈔一卷

梅曾亮序略拜鄉自年少時即有高才鴻文為東南賢
諸侯上客書題章奏絡驛旁午君下筆數千言如刺畫

繡景疊快人意時或劇飲大醉詠調酣嬉以自適其樂
顧其詩清曠哀怨超然於酬對之外其筆力控縱往復

博覽精擇一資以爲詩者不能也

張祥河曰恬密意自寫
性情閒涉豪縱一規準則

王衍梅曰詩品如水仙一枝冰
梅數萼嫣然斷霞殘雪之外

孫德祖曰吾越自雍正開西園十子後乾隆嘉慶道光
三朝鷗社最盛玉笠舫鷗雪舫兩先生尤著稱越中

二笠舫先生皆與久要稱莫逆先生及雪舫並以諸生老
惟笠舫第進士亦卒不偶詩窮後工觀于三先生猶信

沈燾曰先生兼丁
書法直逼香光

寄笠舫
珠江揮手太恩恩夢繞蠻煙蜚雨中世味頻年嘗最熟詩人

從古例多窮登樓定復悲王粲愛客何曾有孔融知否南湖

舊鷗鷺釣灘日日盼歸篷
昨以廣登樓賦見
寄故詩中及之

苦雨歎

兩浙輶軒續錄

卷二十二

陳祖望

庚

88上

前年苦曠復苦涸飢民糠覈不得噉去年斗米三百錢老幼
忻傳穀價賤春來日暖天氣晴麥苗鬱鬱蠶子生秋收尙遠
不敢望坐見今歲春花成豈知一雨連晦朔三月中旬大雨
雹田荒屋破兒女哭催租又被縣符捉縣官厭事蚤散衙華
堂讌客春賞花好花不禁風雨橫裁縫錦幔重重遮吁嗟乎
裁縫錦幔重重遮農夫蠶婦愁無家

葉去病敬
獨立圖

前有千古後萬年橫極六合周八埏此身太倉一稊米俛仰
百歲眞可憐大哉宇宙不朽事曰有三者功德言以此云立
始足立生是使獨豈偶然知君性情本孤峭寄興欲到盤古
先相如家徒四壁立唯我與我常周旋雷霆在前虎豹後凝
然不動魄力堅異時立朝凜風節豈復排擠能傾顛泰華拔

地數千仞巖山羅列誰比肩丈夫由來貴自立何必遺世求
神仙

送璞園入都

陶潛詠貧士杜甫悲老病作賦江文通傷心別與恨得一已
足哀況乃四者并嗟哉我兩人共此磨礮命可憐免豪禿寫
愁不能竟孟郊作苦語豈是出天性境迫語則然敢以工拙
論君心我能知我歌君勿聽聽之傷懷抱徒然亂方寸中
癸酉夏五朔我作嶺海游君與二三子送我鏡湖頭鏡湖三
百里逆作清淚流我時慟失怙寒暑未及周再拜別墳墓飢
驅不得留至今負隱痛莫解終身憂三年苦瘴癘困頓尋歸
舟歸來喜見君聊用紓離愁離愁亦未紓我病亦未瘳今日
送君別此淚如何收

兩浙輶軒續錄

卷二十二

陳祖望

毛

811

謝文節琴并序

琴修三尺四寸五分額廣五寸腰三寸五分

吳氏云爾不知

其何尺也蛇腹斷紋背銘曰東山之桐西山之梓合而爲

一垂千萬古又題曰號鍾下署壘山分隸凡二十字

藏新安吳素江

景潮家

東山之桐西山山梓琴上銘鐫十六字卽看冰柱七條絲中有

逋臣萬行淚有宋孤忠謝侍郎信州失守趨建陽驚鶴摩霄

不可繫咄哉天祐何披猖天祐遇公公行矣絕食拌同龔勝

死東向麻衣痛哭時商聲嗚咽隨流水天留正氣在人閒前

有文山後壘山今日遺琴並珍弄漆文半蝕苔花斑吁嗟乎

青原寺裏瀟瀟雨

閩中何氏文丞相遺琴拓本有絕句云松風一榻雨瀟瀟萬里封疆不寂寥獨坐瑤

琴遺世慮君恩猶恐壯懷消旁署云景炎元年
蒙恩召問夜宿青原寺感懷之作譜於琴中
憫忠寺亦英

靈聚相逢地下有知音從此趙家無寸土五百年來代屢更
荒陵何處覓冬青唯餘賣卜橋亭硯猶配當年玉帶生

巴芸軒涉江采芙蓉圖

出水天然似好詩更誰遠道欲相貽他年照取團圓鏡知是
郎君及第時

振觸吟懷到故鄉慶湖繞郭藕花香年來枉自依王儉幕府

何人識庾郎

題飛來小隱圖次笠舫韻

自樂琴書不計貧寒暄隨分著衣巾幽居風物裁詩澹故國
雲山入畫新生事艱難偏愛客舊游零落賸懷人王郎空說
驂鸞去料得飄蕭鬢似銀

松泉竹溜聽潺潺共占飛來一角仙

余有青琅玕吟館圖地在飛來山下畫裏

兩浙輜軒續錄

卷二十二

陳祖望

五

八

鄉園頻入夢鏡中容鬢漸生斑鶯花老屋相鄰並鷗鷺前溪
熟往還咫尺莫愁歸未得有人南望玉門關

晚過采石不得登太白樓遙賦一詩

渺渺仙人隔逝波橫空樓閣倚嵯峨錦袍烏帽公長在夜月
滄江我又過六代文章能爾少中興功業屬誰多浪傳捉月
荒唐事未儼投詩弔汨羅

舟中望大小孤山振觸鄉思

江心突兀兩山孤可惜梅花一樹無忽憶杭州林處士宵來
飛夢落西湖

舟夜不寐感念凶姪

方崙

愴然有作

百感茫茫集孤舟夜泊時蟲多移燭遠睡少掩窗遲骨肉半
生死飢寒成別離招魂四千里極目盼歸期

書楊忠愍公集後

諫馬市涇陽貶相膏百倍過仇鸞臺省不言員外敢安用蚘
蛇為椒山自有膽主憐直臣相懾重名三年不殺公其得生
養虎縱虎語何醜憎婦嵩兒如一口異代兩忠同不朽

快閣懷陸放翁

賀監風流渺莫追杜陵襟抱老誰知文章不礙南園記生死

難忘北伐師扇裏丹青傳故事頭錯莫唱新詞三山不用

尋遺蹟六十年中幾盛衰乾隆間任處泉太守築室跨湖橋外題曰快閣今已易主矣

七里瀧懷古

天子故人生不臣丞相故人死不負兩朝氣節繫兩公或開
其先或居後袁詔作贊范公記和以悲歌竹如意各有千秋
並不磨文章自寫胷中事桐江釣客方補脣青山占得長垂

兩浙輶軒續錄

卷二十二

陳祖望

无

綸君王亦自重隱逸恩寵雖加非及身賤子飄零艱一第差
幸生當太平世縱使貧無五月裘青笠綠蓑須早製

天子雪舫吟秋館消寒詠盆中雙樹兩海城前雙樹兩公題詞

松

攫拏益益閒亦具參天勢有若龍與蚪尺水自遊戲偃蹇松
下客久此一枝寄著書仰屋梁寂寞千載事

梅

粲此冰雪姿豈供耳目玩託根已非所況乃絕澗灌疏花餘
數萼生意賸孤榦且莫怨東風猶勝溝中斷忠貞不改

泉園古槐中空頂禿而柯葉且榮垣左舊植方竹筍穿

樹腹叢生六竿竹梢穴頂四出因名曰孕竹槐而詩

之

老槐自焚顛半折皮卷腔空腹直裂旁枝斜引翠拂檐生意
婆娑仍未絕六竹何年出深井古詩種竹深井中三年乃成竿巧借檀欒補

槐缺橘柚原為兄弟行簷簷亦聞子母說槐龍籜龍紛相糾
兩物何曾有瓜葛竟如筠管長蒲蘆或類蟹奴依瓌蛄此中

空洞綽能容此君棱角堅多節縱饒大度盡包荒豈有端人
肯鑽穴老子居然割脇生毛遂真成脫穎出十萬胃能貯甲

兵一家界不區秦越花黃且任舉子忙汗青那許庸材列撐
腸拄腹笑橫經食肉封侯快投筆南柯夢醒報平安審雨堂

高尋蟻垤

平坐嘉興道中閱餅水齋詩作

僑居何處問荆柴把卷篷窗眼重揩諷諭要須歸醞藉聰明
可惜近俳諧論才終遜王曇橫摘句時兼趙翼佳珍重開雕

兩浙輜軒續錄

卷二十二

陳祖望

三

故人意可知宿草已長

集為儀徵巴氏昆季刻今巴宿厓已卒三載矣

繡編弓衣句若何磨穿盾鼻歎蹉跎文章一第輸君蚤蹤迹
平生類我多客慣姬隅作蠻語士原燕趙善悲歌劇憐殉母

纜中壽山鬼聲聲弔薛蘿

書兩當軒詩集後

乾嘉已還足妍手似爾能兼數子奇年少求名傷太急愁多
縱酒死何疑千金駸骨燕臺擲一握驪珠海客知英絕故應

推領裏清商變徵使人悲

贈句

就我一錢句探囊直幾何不當于汝惜爭奈似君多吳市吹
簫客燕臺擊筑歌人生困衣食等是歎蹉跎

贈卮公端溪紫石硯并系以詩

六丁開山鑿石甕蒼虬化石蟠古洞寒泉直下三百尺割取
千年紫雲凍平生三度上璇臺硯材借壓歸裝重豈知包老
惡人貪坐使石田無粟種今年挾硯試賢書射策依然肩不
中石泓老友最知己淚眼涔涔抱深痛硯乎硯乎君勿悲從
來有過當自訟君胡不入燕許手天上瓊樓修五鳳又胡不
伴玉堂仙鼓吹休明廣雅頌旣不能逢蘇端明龍尾鳳唼相
伯仲又不及見文信國紫衣玉帶教陪從徒然辛苦賊中來
草檄飛書亦可用卻歸埋沒亂書堆風晨月夕資吟諷好去
重聯方外交莫猜例作窮鬼送世師說法今生公况爾不頑
知易動試圖寶相顯莊嚴或寫金經課禪誦骨格雖清須祇
濯圭稜太露應磨礱庶免淪落入塵網勿教塗抹爲世弄人
閒何者是真有補天支機皆鑿空不如長屈憩寂處配汝銅

兩浙輶軒續錄

卷二十二

陳祖望

三

八

槃怪石供

去年今日丹蘿墮石已老有句云白
頭紅蓼秋江路載得城南一石歸

鏡湖秋泛圖

并敘

黯然別之銷魂悲哉秋之爲氣此卽同鵝鵬術共和

鶯聲猶將惜聯羽之分飛感蕭辰之搖落况乃龍門

點額當吾儕下第之年驪駒戒途正良友將行之日

使非流連光景跌蕩琴尊曷由遣送客之牢愁慰余

懷之振觸者乎於是櫂彼畫舫載厥醇醪或嵇呂之

素交或潘楊之密戚連袂出郭同舟於湖時則秋水

乍碧輕風蕩其微波霜葉始丹疏林表其殊色質明

而出際晚乃歸翌日丹蘿補作是圖余遂先成七絕

同游畢和好事爭傳夫金商屬四序之佳時鏡水擅

一州之奇勝往者飢來驅我蠻煙蟹雨之鄉今茲醉

裏送君紅樹青山之下傷如之何悲可知已嗟乎太
白睽睽友旣感夫星希雞黃團團事每生於日出人
生聚散之感故鄉山水之娛咸在斯篇敘之云爾同
游者鄔鶴徵雪舫諸粉念初梁念錫載之及余凡四

連村罷亞稻初收載酒同登一葉舟紅蓼花殘烏柏赤分明
畫出鏡湖秋

鏡湖秋色比春濃姹紫嫣紅一望同未必牡丹真富貴不須

冷淡怨西風

爛如一片赤城霞野店青旗醉可賒入口但教無凍餒居人

何忍更離家

張掾秋風動歸興等閒鄉味憶三吳問它菹菜鱸魚美得似

兩浙輜軒續錄 卷二十二 陳祖望 三

青菱紫蟹無

黃菊清尊別恨長韓江有弟苦思鄉盤空健羽誇鷗鷺不及

秋天鴈一行

入百湖光一鏡平千巖萬壑腕閒生縱饒絕妙丹青手難寫

江郎賦別情

將行之夕家人置酒話別登舟已夜分矣枕上作

一尊別酒駐衰顏蠟燭燒殘去故關總是性情戀兒女也難

拋卻好青山

往時門籬木蘭橈留客銜杯過半宵此度離觴老妻勸可知

朋舊已寥寥

七夕戲作

繡幄雲駟出帝鄉親將富貴許汾陽如何彊與人閒事窮殺

牛郎債不償

校勘史記竟輒賦一詩

活虎生龍不可馴二千年事類存真麟經蚤識尊先聖蠶室
都緣救故人助得江山宜不朽文遭竄亂尙如新笑渠班范
平陽相可許先豪逐後塵

寄慰子助湘中

老病思歸慘不歡強憑書札報平安嗟予鏡水十年別望汝
衡山九面看等是漂靈無近遠但求會合極艱難與君枉卻
爲兄弟贏得霑衿淚不乾

雜詩

百年如露電雙丸遞昏曉鹿鹿何曾休垂垂嗟己老世無不
死藥浪傳如瓜棗神仙在何所縹緲蓬萊島徐市去不還可

兩浙輜軒續錄

卷二十二

陳祖望

牟立誠

三

六十一

憐童卯天繫惟古聖賢乃足言壽考名與天地齊德爲人倫
表舍此求長生長生詎有道

聖賢心萬世不忍生民死垂教千萬言一一傳在紙人孰無
君臣人誰無父子所事無艱深五常而已矣總角已具知衰

髦猶抱恥苟能無忝茲不朽卽在此各完我生初何必計年
齒有如負郭顏乃若趨庭鯉生氣至今存川流嶽同時

韓子諫佛骨狄公毀淫祠於舉世風靡名教爭維持柰何怵
禍福崇祀及羽緡儼然士大夫祈禱儕氓蚩卽以彼法論亦

未窺藩籬隨聲強附和了不辨澠淄煌煌聖人鄉名德長昭
垂祠廟無二氏墓草鬱神著

牟立誠

字中孚黃巖諸生

一

巖諸生

秋夜

地僻柴門靜天高夜色涼螢光然細草竹影寫橫塘露壓花
侵袂雲推月過牆誰家吹玉笛一曲斷人腸

馮慎中

字允執號羊山金華諸生著撰古齋詩草

舊雨錄羊山家臥羊岡下卽初平叱石成羊處因以自署有赤松宮煉丹山小桃源諸勝羊山構別館數楹顏

曰停雲書屋與友人把盞分題以爲樂

戒過飲

入室歌盈罇對花酌一斗古來賢達人適意惟有酒而我無
其才偏亦同其好見麴輒流涎登山時落帽甚或發狂言醒
來始驚怕怕後輒復醉醉後輒復罵以此怨麴生麴生任咎
否病葉與狂花何堪日與狃絕之旣不能狎之尤不可醉鄉
日月閒何以位置我脫卻木棉襖傾卻般若湯澆詩限三爵
借以潤枯腸攘雞請損之書此告索郎

兩浙輶軒續錄

卷二十二

馮慎中 王紹浩

言

又文友

王鐵槍歌

鄆州城頭鼓聲死鴟兒躍馬作天子誰與健者王鐵槍卓卓
英名獨灌耳一槍之勇能幾何將軍持此名不磨德勝一戰
敵氣挫河上連捷奇勳多此槍爾時真神勇騰越擊刺如飛
梭自從河北屢失利退保中都事不濟朝爲梁將暮唐臣俯
首事仇非素志此槍爾時竟安歸拌得一腔血濺地吁嗟乎
人臣事主女事夫名分旣定誼不渝歐陽論贊原非誣何物
雖黃老腐儒猶嫌事賊非完軀不見瀛王將相俱累朝金紫
誇當途長樂老敘胡爲乎況彼區區一武夫嗚呼誰謂非完
軀

王紹浩

字養吾永嘉諸生

東甌軼事隨筆紹浩工詩世居南郭以清貧自守晚年喪明吟詠不綴

踏青詞

郎騎駿馬妾乘車脈脈無言各自如春色平分渾莫問歸來
俱在夕陽初

新泉活水飲茶清斗酒雙柑往聽鶯新綠一犁春幾許麥田
深處有人耕

魏繼相

字襄哉號半芋錢塘人嘉慶甲子舉人官國子監學正著是亦軒詩鈔吟月草

杭郡詩三輯守茅少自文譽孤山探梅一詩僅三韻阮文達數為神來之筆擁皋比授經從游頗盛馬秋藥太常耶魚竹給諫吳竹言編修皆及門也性奇僻鶯蟲毒卉必親嘗之以辨其味而卒無恙

黃石山懷古

遺蹤隱寄穀城居虎踞龍吟氣自如橋影凌虛迎杖履石華
妙蘊抵璠璣青山面日開江北白髮神仙話漢初今日太平
資黼黻相逢無事授兵書

兩浙輜軒續錄

卷二十二

魏繼相陳鴻泰沈逢吉

三

801

雪後孤山探梅

雲深不見路煙深不見樹煙深復雲深緩緩雪中步山下幾
躊躇忽覺香風度

陳寓泰

原名邦泰字魯山錢塘人嘉慶甲子舉人官四川歸竹知縣客蘇臺邢水詩草

寄心盒詩話魯山選孝豐教諭不赴晚年截取歸竹知縣未抵任卒于成都僑寓維揚時曾賓谷張雲巢鄭慶白諸先達先後契重之嘗賦白桃

過趙北口

醮波柳影綠麩麩秔稻花香早露酣一桁沙隄橋十二水鄉
風景似江南

沈逢吉

字秋河錢塘人嘉慶甲子舉人官蘭溪訓導

杭郡詩三輯秋河有逸情雲上之慨與周子莫紹蕙余慈柏鐸徐延錫溪南繆蓮仙良交最契洽涉筆成趣半作寓言秉鐸蘭溪二

遊南屏觀司馬溫公摩崖隸書

南屏山色雨後青
矗立眞爲湖之屏
摩崖不少舊人蹟
幾曾大書孔壁經
卓哉有宋司馬公
追梁凌蔡殊英雄
揮毫疑有萬鈞力
力透山背非書空
當時隸法人傾慕
求得三經來南渡
南渡君臣重公名
勒成付與山靈護
稜稜想見剛方節
我來拜觀歎莫絕
巍巍南北並峰高
萬載千年字不滅

施紹武

初名紹培字樹之一字樹存號石樵錢塘人嘉慶甲子舉人著靈石山房稿三卷

府志紹武性孝友篤古誼倪樞孫母死貧無以斂紹武獨經紀之按羅掌故爲西樵雜記所著靈石山房詩稿

巖絕鏡刻

尤稱于時

倪稻孫序略施子石樵握靈喻之奇光飽全經之醇味無巨源之异介有叔夜之疏狂終朝苦吟好句絡繹題

日東隅方謂隙駟不留深自榮恨

其詩梧桐先生采入及見錄中

蔣炯傳略石樵壹意讀書行文孤峭幽潔尤工詩蹟厲潛精巖絕鏡刻每讀史至百六之會悲諸忠艱難殉志

兩浙輶軒續錄

卷二十一

施紹武

三

十一

曼聲作楚些哀之騰徵上鵲死無後墓在西溪王家塢巖約同志祭之并置祭田請于巡撫阮儀徵立石防護性高尤貴游過訪率不報詩歿時年八十有四哭之慟君竟不瞑所著詩稿外有西河小志

憩白鹿山房

上山路愁紆下山路愁疾我游頗嗜奇所苦足力竭隔林見
閒房勇赴得暫歇一水環其門澄空鑿毛髮眾有麗至虛孤
情耽靜悅側聞許遠游於茲鍊金骨乘鹿去不還仙壇竟蕪
沒緬化慮彌淡覽景興尤勃瘦策更攀躋前山驚碎兀

歸雲洞

峰峰幻雲容黯澹日將夕探幽憑短藜撥雲入蒙密巖房鑿
何年戶隘僅逾尺下窺不見底陡削礙雙屐儼心儼臨淵曳
踵屢捫壁漸入漸陰沈寒氣凜相逼鍾乳滴四圍堅凝化爲
石倒垂千菡萏膚色盡瑩白大造蘊靈奇於此詫絕特所愁

迫短景到眼輕一擲何當伴歸雲茲焉共栖息

讀汪水雲集

供奉曾趨舊日班淒涼老作逸民看鈴鑿鳳下三宮淚篋研
空留片石寒南渡新謠傳白雁北來實錄闕黃冠傷心最是
陽關曲忍抱瑤琴獨夜彈

孫忠烈公祠

武皇巡幸日窺伺啟雄藩牙爪連清禁威權入倖門濟時資
管樂開府本顏原列幕牙旗卷重樓畫角喧自知膺重寄況
乃遇盤根控制須長策安危敢共論防姦先簡闕扼險在墉
垣嶽峙秦關壯雲橫漢壘昏難忘三版築特設九秋屯經濟
才無敵艱難志弗諉力能誅滷戍謀不數晷爰倉卒妖氛熾
周環羽騎煩有生甘鼎鑊無計避籠樊慷慨常山舌淒涼衛

兩浙輶軒續錄

卷二十一

施紹武

七

八

率魂孤忠彤珥記偉績鼎銘存異代還祠廟激湖擷芷蓀到
來摩斷碣相與肅清尊仰見霜容瘁尤憐雪鬢繁苦心留壁
畫同榜識淵源往事明神鑒遺徽故老言金誰鑄范蠡鞭肯
後劉琨愁思縈薑芥哀吟到狄獫幾時歸夜鶴何地駐雲幡
膾有萋宏血萋萋滿舊邨

宋朝散郎孫公墓

公名察嘗使金閭二帝起居守節不屈金人裹以油

絮焚之罵不絕口而死墓在集仙宮西按縣志公未

歸骨疑爲葬衣冠之所予哀公之烈爲賦是詩

甘蹈焚如禍論忠到此難身隨一炬燼骨竝兩宮寒和議中

凌忠介公早朝圖

長安門前動地鼓賊騎西來滿畿輔倉皇夜半聞傳宣想見
凌公心獨苦沈沈魚鑰無人啟獨立銅街月如水天子空鳴
前殿鐘孤臣只灑宮門涕可憐國事真狼狽早朝無復來明
光是誰畫手故圖寫依然鵷陛看趨踰憶昔禮垣直封事上
殿先遭當事忌胸中奇策何由伸眼前柄國皆庸臣議撫議
戰徒紛紛竭來平臺再召對忍見宮闕煙塵昏鼎湖龍馭去
不返公亦仗節游蒼旻至今事往已百載披圖彷彿疑猶在
君不見數峰高閣何崢嶸煌煌祀典申椒馨忠魂定駕雲車
至不似當年曳履行

包樹棠

榜名郭棠字杜卿錢塘人嘉慶甲子舉人官海鹽教諭

題吟紅閣集

慧業徒留一卷詩吟紅閣冷雨絲絲早知懺悔仍無益好句

雨浙輜軒續錄

卷二十二

包樹棠錢槐查揆

庚

乙巳川

空刪薄命詞

錢

字午清仁和人嘉慶甲子舉人候選訓導箸紅樹山廬詩稿

乙丑六月十有八日偕查伯葵揆江君谷山譚竹坡宗

三同年避暑湖上分詠是日所游處用白樂天詩

體余得蓮池松舍

何處堪消暑蓮池松舍開妙香花自在靜意鳥無猜旖影微

風拂潭光朗月來水仙王供養秋菊薦瓊杯

查

又名初揆字梅史海甯人嘉慶甲子舉人官順天薊州知州著菽原堂集

阮元序略伯葵秀西湖詰經精舍題材也每賦一篇必

為傑構宏麗雅健不行俗蹊古今體詩卓然名家甲子

秋伯葵舉于鄉錢辛相宮詹法時帆學士皆寓書於元

望其集先觀以為快豈與昔人行卷寒溫同論哉

吳振械曰梅史為人在通介之間雖極困窮恥事干謁數往來湖上不妄與人交

吳衡照曰梅史得初白之雄健而加警得奕樹之清峭而加動是謂能轉法華不爲法華轉者
鮑清話梅史落葉詩云低頭一笑渾相識見汝春風綠上時此意爲前人所未道

刮絨花

美孝女也女毘陵人姓楊氏無兄弟不嫁業是花以

養親終老喪葬既畢以哀毀死

花爲衣花爲食花胡可衣胡可食花是毘陵孝女血黃姑織女河之渚不作人婦作人女刮絨刮兒心插花插兒骨兒年十五又二十纖手製花花色深萬花吹上佳人簪寸心那復論長短袖中玉尺知兒心蘭陵一抔猶覆誦金虎守廬烏負土誰家少婦倭髻斜滿頭猶戴常州花

寄家人

我已成秋鷓無風亦退飛江湖還獨往飄泊不如歸歲晏有

兩浙輜軒續錄

卷二十二

查揆

堯

八一

霜雪山深無是非回看禾黍熟黃雀一時肥

少年

歲歲防秋萬里遙殺人如草戰功高歸來少婦無顏色爲買

胭脂鬻寶刀

神燈

引十一月十六夜月有食之熒惑與木星同度躔于午女之次夜半吳山火燄四千餘家煙焰中

雙燈皎然如月火勢所至鏡輒左右之
於火者百數十人是有神也作神燈引

北風驅雲盡墨老梟夜嘯山月黑沈沈寒柝靜無聲獨脚

山魃捧燈出吳山蒼蒼成劫灰碧芙蓉作紅玫瑰蟾蜍爬沙

太陰死熒惑墮地聲如雷一燈出樹復上樹疑有幽修暗中

語可憐四千七百家不照朱門照蓬戶北方元武橫鉤陳燭

龍搖搖銜蒼旻迴光入海海水赤轉桑老榦摧爲薪天雞叫

曙煙氛沒猶見長虹射城闕長官夜宴籠燈回照見道旁燒

死骨

紫花草

哀貧婦也有貧婦掇花療飢爲田丁所窘縊於隴畔
紫花草春風吹東家花開田自肥西鄰有婦炊屨屨去年田
中五斗穀官租私逋償不足兒嘯飢婦夜哭東家飯雞呼粥
粥紫花草春風吹飢鳥欲啄心徘徊田丁來布裙襦兩字飢
寒竟至此紫花滿地貧婦死

吳江郭頻伽過訪有贈

未曾相見已頭低半刺風吹下墨西莫謂左徒誇異服何嫌
方朔有旁妻酒痕似水春無價才思如花蝶盡迷與爾人天
同懺悔且拌檀板唱黃雞

種瓜大路傍

兩浙輜軒續錄

卷二十二

查揆

早

80x

種瓜大路傍抱蔓故不分瓜生不敢摘恐遂爲路人誰家蕩
子婦嗚咽請具陳蕩子昔年少糞土揮金銀青絲絡駿馬出
入擁其羣里中游冶子交結意氣眞銅街有酒庫巖與千萬
縉東屯有良田畧券無一存徒手面黧黑欲歸猶逡巡語多
肺氣咽抱中兒亦呻嬌女十二三走來牽娘頓此女初生日
阿耶未賤貧女長纔過膝涕泗與耶分四月初七日會言當
從軍徑跨瘦驢去萬里衝蠻氛摩劍黃牛峽洗足白馬津漏
卮弗注水破釜弗祈薪六月服蒙茸不如絺葛新渴來厭粟
肉不如酌漣淪一入貴人幕抗禮相主賓吹竽客在齊彈箏
人自秦么盧雜男女角觥忘晨昏抱中兒生時不知有耶親
臨邛當壚女一笑迴車輪千金買簪珥羣婢吹歌脣請爲屨
屨歌行路多酸辛留妾眼中淚澣君衣上塵去時瘦驢子蹏

踏良已勤君今乘青驄此驢何足云生當同歸來死當埋其身

古詩五首

黃河之水盡作杯中酒壯士方肯老山阿讀書不得致卿相
虎頭食肉操天戈泥塗螻蛄那論命馱馱咫尺王良過爲君
長歌行路難白日雷霆劍篋翻
上堂辭親去堂上淚如雨蹇驢壘塊不肯前道傍絕倒瞿塘
賈朝入萬山中風吹亂石如飛鴛暮宿野人家紙窗暗射金
蠶蠱思親不能置白雲望鄉土牧童歸來語阿母三日羶羊
覬飲乳

樓前梧桐樹正及秋風時游子下樓去梧葉上樓飛佳人弄

瑤瑟字字寫相思相思不可見遠寄篋中絲明月蕭瑟入羅

兩浙輜軒續錄

卷二十二

查探

聖

八八

帷牀頭絡緯鳴聲悲挑燈看絲心自知亂絲不治君不歸

南方有一客自言生長黃金臺長楊射獵逐鷲獸三箭三磴

聲如雷漁陽豪俠盡祇揖歛若赤電崑崙迴一朝流徙來三

吳監中牧馬作官奴腰纏鷓鴣鬻不得吳趨那識青珊瑚君

不見江南紈袴美少年日日驅車向幽燕

男兒不出門詎有婦女衝風塵身行萬里須及早乾坤瀕洞

雙車輪幽并健兒笑齷齪餓填溝壑猶冠巾鑿蹠崑崙趨關

陝長纓倏忽渡河汾不然閉門自成梁父歌舊中椰子金叵

羅雕屏匝朱顏配及時行樂柰爾何吁嗟乎今日不飲明

日無決烈尙恐多蹉跎

岳武穆王金學歌

紹興南渡社稷臣武昌咸平功尤超青鬼八百撼不得太行

兩河皆人豪郟城朱仙大獻捷鐵浮圖軍紛潛逃獄成三字
莫須有廟堂煽惑狐鳴噪見機始歎斬王高醉眠驢背攜杯
瓢此時繆醜方烜赫三世纍纍銀綬條墳堪連鑣皆上第冰
山詎料朝陽銷王之文孫忠孝後程史筆挾風霜驕能讀父
書峻風骨下視嘉國猶弁髦金爵隆典珂所作紀乃祖烈鄂
與褒藏之家廟謹什襲春秋獻享行清醪河南陵寢秋蕭騷
不聞一爵奠丹椒何年淪落雜瓦礫會稽山下虹霓交石鼓
作曰神物怒野人不識沙中淘客來徵詩誇至寶蚍蜉鬱律
蛟龍韜下卣中壘失規樞夏璣殷孽侵萊蒿迴黃轉綠古色
澤赤城霞起朝建標史籀斯篆苔暈蝕背文四字勞鐫雕神
氣肅穆稜角厲令我懷古心鬱陶王昔精忠志恢復義旗疾
捲風驅濤黃龍痛飲須臾頃月支之頭盛醜槽鈞天夜奏醉
兩浙輜軒續錄 卷二十二 查 揆 聖

不醒交訂倏忽迴韃囊金甌已作偏安計酒器頻隨歲幣勞
子卯不樂知螢死杜黃揚解誰其曹檜也翻得賜祭器敢與
鐘鏞爭嘩呶孝宗積弱勢不振諸將無復建旌旄允文六事
不見省同甫五論徒取嘲長城萬里汝自壞此爵於王如秋
毫至今留遺等栝榘桓彝璽節空喧囂陵谷變遷已千載沙
蟲猿鶴魂難招諸陵玉盃竊發盡維王之爵愈光昭作歌記
事好藏弄宣和祕翫笑繫匏

烈女行

并序

爲曹氏作也女許字族姪世裘幼爲翁姑所撫未婚
世裘卒女義不改適服溷死癸丑九月初五日也年
二十有五子仿古樂府志其事以俟采風者

風吹梧桐樹烏噉滿前村落葉離故枝猶然依其根皎皎名

家妹弱齡嫻禮儀鞠養於姑嫜殷勤代晨炊百年奉高堂矢
願永無違一旦遭飄零庭蘭忽焉摧縑素爲元黃其色不可
渝妾身許君子其名不可虛斂容拜姑嫜閉門自跼蹐可憐
未成婚遣歸當何如妾如轆轤索君似井中水轆轤未轉井
水枯抽刀斷索無汲理計決無所哀遂巡復出戶晶晶釜中
鹽今日得死所食鹽愛鹽潔鹽多不知苦妾死爐中灰妾生
襟上塵塵生衣不潔灰死香自存懷懷古節烈聞者爲哽咽
吁嗟烈女可再生釜中鹽水不復清

謁張忠烈公墓

魯藩兵氣黯滷洲丞相祠堂叱牧牛鴈宕寒深虹貫日龕山
濤落雪驚秋頭顱已送田橫島妻子虛隨范蠡舟更向江南
懷閣部梅花嶺上暮雲愁

兩浙輜軒續錄

卷二十一

查

揆

望

八〇

與吳茂才夜話

憐君似秋鴈易起旅人愁夢醒砧雙杵燈寒雨一棧黃花吟
影瘦白鷺鬢毛秋無那聆情話荒雞亂唱籌

爲松靄先生題岑谿三賢祠堂圖

漢法重守牧入卽爲公卿不以資格限俾各盡生平所以循
吏傳往往稱神明微嫌王霸雜商韓猶縱橫錄囚當六月六
月嚴霜零然亦頗強項兼有廉介聲擒治諸大猾豪右不敢
爭豈如百世下但取苞苴盈催科類石壕下考嗤陽城以是
爲酷吏酷吏之所驚側聞治郡縣要使風俗成貪泉戒勿飲
飲水甘如飴先生爲儒者謂當侍西清一麾乃出宰竹馬迎
雙旌交州古巖邑徵側勞誅征夷言雜異鳥雕面翻火耕藤
筐映鬼塔煙火明箐城猺奴控象背雜將傾蚬營毒鋏泉通

遺韉刀雅夷擊氣習旣剽悍撫字良不輕先生泄茲土傑然
無所營於劉有前軌因之緩編氓訟庭丹蕉長十丈紅如靛
吏閒衙鼓靜忽聽歸飛鳴蠻人感且泣莫挽賢侯行義哉三
賢祠嬾媚連朱堯歲時醜清酒薦以江之蘅谿流濺雪霰枕
椰陰周撐啾啾來翠羽幽煙交檐楹展圖三歎息口碑猶津
津永懷范萊蕪千載有清名

秀州感徐忠懿公事

潯洲昔播遷義旅俱浮沈潞琴改變徵鴛水汨以深西臺魂
髣髴朱鳥不可尋孤城浸三板誰聞禾黍音同時劉忠端永
懷殉國心降城不肯居楊礮矢哀吟公獨守陴死所見疑辰
參詎知事勢殊異苔要同岑至今可經堂雨蝕幽苔侵修筠
隱荒壘回首龍山陰逝言酌椒漿典册垂瑤琳公葬龍山之陰去秋同人

兩浙輶軒續錄

卷二十二

查 揆

畧

又十三

乞碑文于秦小峴觀察而梁山舟侍講爲書丹以表其墓

呈錢竹汀宮詹

海內論詩主性情無慙騷雅總難評卻來戈壁窺流派始信
雲和有正聲笠澤蘊鱸鄉味美滄浪風月講壇清主張文範
迴顏俗霑漑還應到後生

哀新塔

飢民走喫官廠粥烏鳶下攫樹上肉樹上者誰民之族挂髮
撐腸拄胸腹去年水來高過屋不死沈淵死喬木其餘乃趨
城西隅城西隅有僧浮圖紀年傳是吳赤烏赤烏不見見水
鼻鬼燐熒熒白日述怪風哀壑聞呼舟人指謂子夷中寇
六月其日二十四是夕塔遂折君不見圍圍塔下魚鱗疊道

傍骨

舟次有觸

春流如馬下諸灘舟子謹呼袖手看我獨丁甯牢把柁順風
還校逆風難

徐

字筆珊海甯人嘉慶甲子舉人
官四川銅梁知縣擢西藏同知

塞上雜興

萬山頂上闌然來不信書生是弱材人到折腰難免俗吏非
強項敢矜才烏亭驚堠行程遠犵鳥獐花眼界開匹馬巖疆
持使節寒沙漠漠過龍堆

防秋自古重西郊地與狼隄裸國交回鶻萬家尊貝葉

地重佛教

明駝千里貢包茅

廓爾喀入貢余奉檄
護送番使至察木多

星馳羽檄層冰裂夜

草蠻書凍墨膠輪與番兒身手健六花如掌尙鳴磬

西去兼通路萬程冰爲地軸雪爲城雲昏瘴氣奔帆影風挾

兩浙輶軒續錄

卷二十二

徐瀛

梁齡增

罌

八三六

邊愁戰鼓聲衰草黏天秋牧馬平沙列幕夜屯兵碣樓多半
成空壘猶說當年第幾營

西風獵獵捲征旄湖海心情氣自豪雪境偶披紅靺鞨酒方

新試絲葡萄鞭揮飛電騰龍脊箭裂寒雲落雁毛擊罷黃塵

歸已晚蘆笙吹徹月輪高

梁齡增

字菊水海甯人嘉慶甲子舉
人著晚姓軒詩鈔十三卷

潘世恩序略仙槎詩古雅質
樸不蹈前明割竊摹擬之習

偶閱天水冰山錄作長款以慨之

有明世宗墮紀綱分宜當國何披猖有家不閑怙子惡妄希

世德蕃永昌招權納賄恣網絡睡毗殺戮盡忠良邊軍縛草

當射的詛怨直欲彌青蒼一朝姦發雷霆震按籍查抄資充

初搜聚精華無物無窮奇眩目駭妖狐按抄有金絲帳鑲金
剔器二物守臣不敢

上編册上呈底本賸惡稔遺蹟無模糊鮑君鏤版頗精整山
錄見知不足齋叢書

人口元載胡椒計斛癡賈家寶閣多藏厚煌煌著作鈐山堂
讀書何事負平章前車既覆後不戒復蹈故轍忘餘殃逆子

就戮留殘喘流連墟墓抵投荒子身之外竟何有黃粱一夢
空茫茫象齒焚身早臭腐殘魂悔禍嗟無補臣心如水是何

人此錄分明盍鑒古

沈

琪字其玉嘉慶甲子舉人官分水教諭著愛吾廬集

沈愛蓮曰族祖少擅文譽家貧暮游江南詩宗漁洋性情和雅長身修髯喜飲酒愛清談

玉山舟行至河口

籃輿越岡阜侵晨復挂席方舟大如車坐臥即安宅玉谿風
物佳橋影壓沙磧急篙撐迴瀾岸勢困偏窄下灘赴奔濤橫

兩浙輶軒續錄

卷二十二

沈琪高登奎

巽

八八上

互避巨石晚來水氣昏天風忽蓬勃我帆乘風行飄飄奮健
翻回看兩岸山合杳如送客倏忽百里過一灘水一急來舟
湍湍流晚飯傍古驛十夫挽巨紐進寸退且尺人事夫何常
即境感順逆

高登奎

字復齋平湖人嘉慶甲子舉人官龍游教諭著復齋詩鈔

人出

縣志登奎天姿超邁為文雄鷲獨出有辟易千人之概與弟登鼇齊名人目之為二蘇登奎抱負奇偉議論意

氣凌厲一世詩以氣行不假彫琢古詩尤沈雄悲壯

縹雲石歌

海昌孝廉詩酒豪浩歌氣與秋天高酒腸芒角破空出鬱作
怪石翻雲濤山鬼水怪爭不得聳身飛落軍門側將軍含笑
屢呼兄名園草木皆生色將軍愛石浮紅鱗將軍撫石懷遠
人尺書招得孝廉至朝朝醉石忘主賓有時白雲歎石腹蓬

蓬散作魚鱗蹙題以縵雲石點頭受知不數將軍獨憶昔衡
門風雪大蒙袂輯屨來鐵勾廡下禰裊病鶴容矯若奇峰拔
天外風塵突見眞英雄痛飲百盞玻璃空玉山鏡下頽不起
惜無醒石吹松風一朝扣馬獻奇策專閩循州戰功赫公餘
扶醉臥雲根一枕冷雲皺瘦石持此敬爲先生壽山中一夜
飛靈鷲腰閒繫得嶺南雲弄影池塘露奇秀紅牙小招轉歌
脣翠鳳參差妙入神櫻桃花底人如玉瑋瑋筵前月似銀百
年池館成春夢賸有白雲封古洞舞榭惟看蝸篆縈珠簾誰
聽歌聲送扶風豪士頗好奇披榛斬莽尋殘基購得縵雲巧
位置宵來風雨蟠蛟螭此石遭際亦不偶奇姿終落奇人手
孝廉已往具眼誰對石銜林姑飲酒

渡江

兩浙輶軒續錄

卷二十二

高登奎

陸瀚

七

七上

浩瀚拍天流金焦日夜浮殘星明鐵甕曉霧失瓜州鐘磬南
朝寺煙雲北固樓片帆風力健擊楫聽吳謳

陸

瀚字星樞世琛孫元鉉子桐鄉人嘉慶甲子

冷廬雜識星查沈靜好學以賦詩受知居詩草
石公歷典名郡清廉自天不名一錢星查仰事俯育措
拄艱劬嘗賦詩誌感云多事轉思爲客好無田始信
讀書難後宰花縣慈惠撫民以不善事上官罷歸

送窮歎

草艇縛茅錢鏤紙麥飯一盂羹二簋破帽遮頭倒兩屣磬折
開門揖窮鬼鬼曰語諍君勿瞋解紛片語請具陳君家三世
縮青銀胡不買田百頃腰千緡處脂不潤甘食貧粗飯脫粟
衣懸鶉廉吏之孫廉吏子被褐負薪奚足恥窮爲善士福之
始清白厚貽無過此願君世世子孫永保之俎豆我應千載
祀君不見黃頭郎君久待留腦滿腸肥託權要銅山摧塌錢

奴弔饒鬼愁涎窮鬼笑

胡

字駿卿號湘颿世異子
烏程人嘉慶甲子舉人

府志籍少負才名阮元督學浙江課諸生十嘉懷古詩
縉居最尤精研經學以貧故客游三衢以卒無子詩文
佚散

詠水仙花

仙家也復謫塵寰梅弟攀兄未可攀何事騷人拾香草不教

點綴芷蘿間

沈

字念祖號雪帆歸安人嘉慶甲子舉人
官新城教諭祀名宦著綠蔭書屋詩集

新城縣

天目蒼蒼擁翠嵐支山萬疊走東南忽開廣谷成城市儻問
提封視子男懷古尙遺昭諫宅試茶須到井泉庵臨安北去
通茗雲回首鄉關雁兩三

兩浙輜軒續錄

卷二十二

胡縉沈彝臧吉康

吳

登環山閣

高閣凌空勢翼然全收景色列窗前兩行碧樹探山路萬點
蒼鴉負郭田雨過竹溪喧水碓日斜茅屋散炊煙分明絕似
桃源境知有人停谷口船

臧吉康

字惠南號樵仙長興人嘉慶甲子舉人
官廣東大埔知縣著友雲詩鈔十二卷

縣志吉康性靜穆作文原本經
術罷官後優游林下十餘年

水災行

道光三年

自古洪水水滔天下民昏墊巢樹巔我鄉震澤未底定堯市
山頂曾纜船嗟子生晚不及睹撫茲古籍空流連豈知唐虞
之世復再見直如令我置身五千載以前去年旱魃肆爲虐
焚巫暴虐天不憐今春春雨恣連綿猶云雨足不傷田四月
初旬雨如注淫霖直到六月間一夜雨深三尺潦千樹風生

百道泉可憐低埽成巨浸坐使萬竈生寒煙我鄉恃有太湖
洩秋馬仍驅陌與阡其如陰祇大作惡可奈陽侯怒不悛黃
河倒捲浪作雨天瓢直瀉山成淵六月二十四日雨益狂猛高圩盡沒誰云海
口塞松江婁河等處盡塞湖水無所洩海若驅潮逆貫州誰道江水遠江豚
蹴浪直上山七月十八日有數江豚見夾浦大橋下隄長水三四尺市人皆驚忽不見四萬餘頃
狂瀾湧七十二漚下水難二水相激勢若鬪人遭其厄誰捍
患江南水災此獨甚百歲老翁驚且歎鄉有九十餘老人云吾邑水災莫甚于乾隆三十四年今年水更高三尺吁嗟乎粟可振賦可蠲嗷嗷鴻澤待生全吾
觀前世救荒無善政幾曾實惠徧黎元

雜詩

吾生憂患多日昃勞智慮異哉杞國人憂天寢食廢亦有憂
其憂曉之以積氣解憂憂更深且疑星辰繫斷鼇與鍊石荒

兩浙輶軒續錄

卷二十二

臧吉康

晃

ちり文

誕不足記果爲共工觸自有女媧在彼昏何足論解者更無
謂農夫各有畔盍且自爲計

大道貴自然奇節由拙或古人讓天下民無得而稱士生三
代下惟恐不好名名心甚或求脫屣輕事非素所安鐵

中求錚錚因名巧市利三窟或營夷甫不言錢而能誤蒼
生

人世貴施報酬酢若交易千金酬漂母三舍報楚國烏雀亦
知恩玉環非所惜人生天地閒天地不言德德大難爲報飲

食忘其力下士徒瑣瑣錙銖計勞績單食聞嗟來纓鋤有德
色

歧路泣楊子窮途慟阮公一則患其塞一則慮其通揆諸憂
世心二者將毋同吾謂多歧路不如途之窮窮則尙可返歧

將何所終大道本坦坦窘步難爲功一時偶失足千古悲蔡
邕

老農不識字張口能知天田家有五行作息時無愆茅檐話
豐歉占驗常在前迂儒守管見白首窮蠹編荒唐矜奧博遠
稱天之先大園運橐籥不知所以然從來人道近天道在其
閒國僑不讓火裨竈徒多言乃知農可學恨不早歸田

病起感懷

久在愁中與病中屢驚蛇影不知弓青氈故物難傳子白髮
新添漸近翁似我料應無可瘦如今猶恐未全窮閒來嬾向
湖頭望盡日波濤盡日風

十二月十六日到家作

朝衫脫又脫征衣倦客思歸果已歸老可無官思五畝性難
兩浙輜軒續錄

卷二十二

臧吉康

辛

川上

諧俗掩雙扉田園只合供衰病今昨何須較是非一事關懷
轉惆悵晨星落落故人稀

蜂

百花釀成蜜辛苦不自甜就中有黃蠟食者將毋嫌

蠶

蠶老巧成繭吐絲徒自縛赴湯誰復憐人有綺羅著

蛙

漫邀晉帝恩幸與楚王遇一式亦偶然將子無多怒

蝶

生長綺羅叢慣向花房宿栩栩春風香此夢幾時覺

蝶

筠管呼頰我他蟲竟能似儻教爾自生未必皆肖子

白頭翁

我老髮如雪爾何亦白頭樊籠不汝困多事爲春愁

鸚鵡

瞿瞿八八兒翦舌作人話莫便學山膏逢人只好罵

鸚鵡

鸚哥逞紅嘴巧語立瑤軒畏爾獨饒舌使予常慎言

徐仁本

字兆綸號玉崖養原子德清人嘉慶甲子舉人官嘉善教諭著玉崖詩草四卷

家傳略玉崖性行誠篤學宗程朱出于吳縣相國之門旅食京華三十載未嘗干謁肆力於詩古文辭友朋唱和無虛日南歸時相國贈詩云此夫名山添著述秋燈時憶讀書窗蓋知其學之粹悲其遇之畜也在嘉善學官舍數椽蒔花種竹韻咏其中性淡泊屢空自適寄家詩有寄語兒曹須湏省西溝遺澤在芸編之句卒後囊橐蕭然

兩浙輜軒續錄

卷二十二

徐仁本

五

601

祇慧逼中台金聲動地來帖危惟一死終古閔良才壁壘猶

春草山河已劫灰憑風誦遺札慷慨有餘哀

尹輔弟僑寓長城于病中得先宗伯公司空公印章四

方因述其事爲還印盧記郵書示余并索詩作此寄

之

投書慰岑寂告我還印事發緘粲然喜詎徒悅文字余家世

清華圖籍半淪棄攬茲見手澤馳想益神智宗伯享大耋詩

名震當世司空應時出巋然瑚蓋器軒楹俯溪流至今留題

識英英百年物著紙有光氣直使毅改符豈僅元山記何年

觀風霆忽隨蛟螭逝出沒駭神鬼造次那得致

國初諸名公聲華溢中祕臣家置書局

寵眷特殊異

先宗伯晚歲致仕家居特賜帑金俾置書局

詔選全筆札給

上方賜書復盈箚想見几榻閒琳琅錯布置惜哉雲仍列不
獲操筆侍託物攄我懷思力愧淺滯矯矯士龍筆力疾書有
勢如誦述德碑增余讀書志踰年別野航余家臨溪不見南
室各野航山翠何時共研席披豁絕塵累合劍非偶然還珠或天意勉
哉紹先業家聲永勿墜

輓姚鏡塘先生

茗川有大儒俗眼不能識前身青蓮花本是濂溪植寸根得
清氣滋養到葩的文章秀而雅風骨峻且直見書心眼明得
酒鋒穎出衣冠儼人師狀貌若古佛春明侍繡帷劇勵在學
殖喜余嗜圖史戒我去彰飾煦然坐春風討論或忘食南歸
觀荼苦三載阻良覲回憶餞別時執手心悽惻自言迫衰老
旦暮將投劾他時詣巖阿訪道或有得何天不憖遺奪我士
兩浙輜軒續錄 卷二十一 徐仁本 五

林式臺省三十年青綾黯無色生死得靡憾窮通豈足述獨
念破屋中歲晏風雨急幾輩執芻至何人撫棺泣公櫬歸未
歸公嗣立未立伊誰表公墓伊誰刊公集鄉人重安定尸祝
湖山側瓣香屬先生誰爲設几席蒼弁長峩峩斯人不可卽
臨風結遐想潸然衣袖溼

嘉禾前明太守楊貞肅公祠落成敬賦

公諱繼宗陽城人天順初進士官至僉都御史成化
時知嘉興府九載爲政廉明鋤豪彊抑權貴設社學
興教化致瑞禾神鴉之異郡人德之爲建祠繼公者
曰徐公盈何公祉皆著循績附祠焉歲久祠圯廣文
程君夢麟夜夢一人魁梧奇偉撫其背正色語之曰

汝何不在其事及旦奉府檄詣祭視神像則夢中所

見也遂率郡人募金修葺閱二月事竣而祠之因徵詩焉時道光十有三年癸巳也

棟梁嗟峨丹牖新几筵旣設牲牢陳靈旂動搖風颯颯髣髴繡服來天人當時立朝著風節權貴側目中官憎由拳莅治歷九載問民疾苦心肫肫春溫秋肅本一氣水懦火烈功相因風霆擊姦信有神和氣動物嘉瑞臻况崇師儒立社學至今多士歸陶甄徐何繼軌亦循吏三賢鼎足名垂芬風流未歇祠宇圯魂夢相接狀貌真吏民奔走集土木豈非感召由精純願公乘蚪謁帝闈顛天降康福我民秬稻充羨風俗醇琴瑟擊鼓鴛湖濱奕奕俎豆輝千春

書魏子一先生血書孝經後

血不能神氣宰之氣能役血成文詞孝經字字心頭血以血

兩浙輜軒續錄

卷二十二

徐仁本

三

〇文

寫經最真切血書訟父誰之爲茄花滿地肝腸摧奇冤雖雪已灰燼餘瀝作此千秋哀古人心正書不苟况復精誠出孝友想見淋漓著紙時電光飛擊蛟螭走萇宏碧血化爲芹腥耶馨耶我不聞試攜公書歷都邑會看所至生奇芬文孫恂恂邑之彥手持至寶來相見斂容發櫝不敢玩點畫雖微神畢現文孫文孫勿棄基鑒此神物善護持心公心行公行讀公之書拜公祠海枯石爛孝義恆如斯

書魏子一先生絕命詞石刻後

燕山獨立氣崢嶸一曲長歌萬恨生國事日非邊恤死君讐未報敢言貞平襄本欲誅鍾會太史何須訟少卿速與父兄相見好此躬幸不墜家聲

庚子夏周茂才以先世開鴻公

名宗文官至光祿
典魏忠節同年

遺集

見示敬賦

思極逆瑞肆諸市正色廷諍髮土指瘡園懼冠公獨全天為
讀書留種子已欣龍比沈冤雪甘作吏齊窮餓死一聲麥秀
淚潸然匿影荒溪聊復爾人生出處關大節况復鼎傾兼社
徙當時人物遍東南半為蠅營點青史疊山卻聘有遺榮長
樂彈冠真可恥維公屹然介于石真氣淋漓溢毫楮封章噴
噴在人口遺墨流傳惜止此裔孫努力永寶之勿云貽厥無
基址鼎鼎名已付雲煙被歲香猶浸頰齒我讀公書增愴惻
至今梓里思遺直吁嗟乎隱田未革民就窮持論侃侃誰如
公公敦懷桑梓其貽喻無馬令書
備言本邑隱田漕兌諸弊政

楊道生

字仁甫號幹村德清人嘉慶甲子
舉人官金華訓導嘗不為齋詩鈔
徐鯨飛序略幹村詩各體明
峻不類風塵入海中

兩浙輶軒續錄

卷二十一

楊道生

番

八三

曹汝廣序略吾師嘗游京師問濂洛之學於同郡姚鏡
塘先生篤信王文成朱陸合一之說司訓金華生徒日
進廊舍不能容曠金購室以棲之多撥科第去師不色
喜嘗言此邦小鄒魯不能率諸生荷楓山三塘殊自愧
晚以疾引退下居坦谿林下十餘年嘗輯先儒語錄為
守約編明儒語錄為通復編取白沙陽明念庵蔽山諸
先生論學之精微者以己意相發明為洗心藏密編所
居閒散官郡有善政皆彈心力佐守令所不逮尤深於
醫書法出入晉唐
以香光為歸宿

感興

好雨初停煙靄開清流何處著塵埃野花紛逐岸高下山月
自隨人去來咽露蛩催秋思到投林鷓帶暮雲回遙知太白
樓頭客早脫征衣索酒杯近園約在濟
甯州相待

貝節母程孺人詩

款冬一叢花冰雪揚高寒卷施一寸心誰知不死難父疽吮
之愈能使危者安夫疾禱無靈可知時命艱尊章已暮齒一

子憐孤單樵蘇告乏絕力疲心亦殫卒能勵苦節遠啟文孫
賢至今虎阜側綽楔方峩然

寒食感懷示諸生

墓祭雖非古由來亦已久自我至金華三載缺清酒祿養既
不逮先隴仍勿守雖云苜蓿盤穀祿那可苟楓山有遺言勉
旃各擔負章楓山先生云吾婺有三巨擔謂道學功
業文章也予嘗書其語作橫幅懸之塾中斯遊儻
不孤庶以謝父母

夜泊蘭谿

梅霴初過轉清嘉帆卸蘭江日正斜繞郭人家峭如壁隔谿
山朵豔於花市門出汲終朝滑估舶相呼入夜譁乘醉朦朧
一覺後起看煙月滿平沙

春晴

兩浙輶軒續錄

卷二十二

楊道生

馮如璋

畫

XXI

好風吹袂輕獨坐面新晴楊柳淺深色黃鸝高下聲一樽閒
入手百幻澹無情次第煙雲過青山相對生

和汪友梅述懷

蓬蓬花氣遠藹藹春山綠一尊復在手身世良已足豈無豪
貴想嚮亦籌之熟不見人海中營營升斗粟山水屢見招無
從脫羈束甚乃車轍窮慟比阮生哭孰若急掉頭身為天下
谷頽然入睡鄉與世殊仙俗

馮如璋

字襄哉號秋君德清
人嘉慶甲子舉人

潘世恩序略余甲子浙闈所得士藉藉以能詩聞於耳
及以所業面嗜者不下十餘人而吳興居其四其一則
馮生也生尤嗜古肆力於詩試禮部不遇而沒遺藁若
干卷清麗芊騷風格在唐中晚間方之元人亦雁門之
也

夜泊金山

海氣入江江口塞行人夜泊金山側金山四面滄江黑長老
大呼行不得孤舟深入雲濤堆舉眼忽見金銀臺陡疑老屋
學變幻空中樓市排風來須臾江月當頭白江水空明去何
極水紋涌月月不行亂疊千層萬層色是時煙霧連雲平京
口隱隱寒潮生戍樓遠火一時止蒼茫猶見瓜洲城中流夜
半西風急大魚如人作人立氣粗膽壯然犀看百萬鯨人同
聚泣五更舟發天蒼蒼雁聲千里來瀟湘片帆一霎翦江過
回望金碧輝胡陽

徐州

浩浩平沙十里坡登臺高唱大風歌岱峰遠出全橫海汶水
分流半入河寰宇人文東魯盛古今王氣北條多嶧山野火
經千載孤嶂秦碑不用摩

兩浙輪軒續錄

卷二十一

馮如璋 徐熊飛

姜

又文川

張家灣旅夜

酒後不成寐篷窗帶醉憑
憑夜深鄰舫笛天半戍樓鐙
望月家何在乘風我未能
扣舷發狂興高詠與魚聽

魚溝

二月天涯草未生輕裝檢點事長征
遠墟日落鴉無色平野風高雁有聲
折柳荒城他日淚賣花深巷故鄉情
山郵水驛三千里屈指今宵第一程

徐熊飛

字謂揚號雪廬武康人嘉慶

庚辰

五

月

廿

日

庚

辰

年

特旨

授翰林典籍

衡亦異數也

定香亭筆談

雪廬劭客平湖備受孤寒之苦勵志于學

詩有才力尤工駢體文嘗有啟投余云春風未至先欣

桃李之心時雨將來已動蘭蓀

之色是能不失唐人風範者

金

山

四

月

廿

日

庚

辰

年

衡亦異數也

定香亭筆談

雪廬劭客平湖備受孤寒之苦勵志于學

詩有才力尤工駢體文嘗有啟投余云春風未至先欣

桃李之心時雨將來已動蘭蓀

之色是能不失唐人風範者

金

山

四

月

廿

日

庚

辰

年

衡亦異數也

定香亭筆談

雪廬劭客平湖備受孤寒之苦勵志于學

詩有才力尤工駢體文嘗有啟投余云春風未至先欣

桃李之心時雨將來已動蘭蓀

之色是能不失唐人風範者

金

山

四

月

廿

日

庚

辰

年

衡亦異數也

定香亭筆談

雪廬劭客平湖備受孤寒之苦勵志于學

詩有才力尤工駢體文嘗有啟投余云春風未至先欣

桃李之心時雨將來已動蘭蓀

之色是能不失唐人風範者

金

山

四

月

廿

日

庚

辰

年

蒲褐山房詩話渭揚生長吳興得山水之勝故詩多清
峭風骨超然與王柳村石遠梅吳楚諸詩人舍詩鬪酒
江湖名士未能或先阮芸臺中丞開話經精舍於西湖
招集浙中文士三十餘人春華秋實兼擷其長亦當以
渭揚爲翹楚

緝雅堂詩話雪廬弟子多能詩者所著白鶴山房集頗
有唐人風韻其前溪碑碣二卷武康伽藍記二卷上柏
志四卷傳本甚少

游雲岫寺

落葉四卷迷松根山風吹之如有人草閒一徑出嶺背石氣
上逼秋空雲千年古寺冠峰頂佛爐無火僧關門野猿竊果
墮蒼瓦驚起蝙蝠飛承塵階前老樹雷斧劈長藤倒挂花續
紛當門巨石平貼妥瀑泉赴壑風霆奔夜深飢虎癢磨疥爪
牙印齧青苔痕森然動魄不能住出林步步循荆榛天時人
意兩清曠在野且與芒屨親題名石壁記幽興入山不早山
兩浙輶軒續錄 卷二十二 徐熊飛 五

靈臆

文丞相洮河石研歌和余伯扶先生 鵬年

自從柴市沈秋星血痕入地千年青人閒留此一片石元精
萬古昭忠誠幾經兵燹不改色正氣凝結生鋒稜有時光彩
忽騰上欲與日月星辰爭宋家末世危陽九一聲白雁橫江
鳴不周山崩天柱折河漢不向東南行文山受命在倉卒思
以赤手回天傾江山半壁無寸土天之所廢誰能興惟公慷慨
矢忠義扁舟怒觸蛟涎腥崖山鬪戰將士潰土樓閉置年
華更自書贊語納衣帶成仁取義深服膺想攜此硯日揮灑
破窗風雨龍蛇驚洮河絲玉質光滑青霞出水花含英昆明
劫火碎不得定有神鬼扶精靈爾時江介足奇士滄桑變後
皆飄零是研若隨謝泉羽西臺慟吳山崢嶸或歸義士鄭思

肖井中心史書縱橫不然流入月泉社黍離麥秀吟哀聲蟾
蝓蝕月碧雲斂至今墨霧餘淒馨高堂讌客夜將半燭花四
照窗虛明摩挲故物肅生敬寶惜不異玉帶生公之大節在
天地手澤亦著千秋名尊前再拜奉尺璧碧天雲葉含光晶
莫教塵碗補天石墨池夜夜生風霆

昭勇將軍寶刀歌爲儀徵夫子作

蛟龍出匣風雲變白晝空堂激飛電寶刀三尺森寒芒上有
星辰光隱見將軍昔時征百蠻意氣飛動神安閒雅歌投壺
大旗下醉來笑撫龍雀環九谿蠻洞叢黑峭壁連天倚天
直竟從虎穴探虎子躍馬提刀大殺賊軍前號令嚴且明埽
除五寨卽日平唐蒙羽檄荒夷懼馬援威名蠻部驚是時賊
勢同破竹負隅聊據南山麓閒道奇兵疾有神頃刻雷霆撼
空谷刀光一片騰白虹出陣入陣如游龍三軍大呼金鼓震
白日慘澹號天風烽煙淨洗西南界生縛渠魁出險隘仁者
由來不殺降十萬苗民向刀拜將軍勳業無等倫

詔書重疊褒功臣軍中揖讓合禮樂大彰撻伐安乾坤卽今
紫氣沖牛斗竹帛功名長不朽四海猶傳虎豹姿三公已驗
神明後芙蓉斂鏐珠玉裝黃絲景綬錦帶長摩挲故物辨顏
色陰晴不定凝秋霜嗚呼將軍信神武故物猶堪截貔虎夜
半刀頭霹靂飛摧落欃槍靖西楚

還鄉研歌爲春田先生作

并序

春田萬里歸來卜築於李辰山放鵬磯上適賈丈嘯
軒得辰山著書研於竹溪田家乃作歌侑研以贈春

田亦作前後還鄉研歌紀事和之以繼其聲

西宮道人化鶴去遺研星飛落誰處南溪縣令挂席歸匣中
擎出蒼煙霏道人放鷗溪水曲今將南溪著書屋醉中示我
端州玉手撥溪雲瀉寒淥墨花出水光陸離云是賈侯之所
貽三重茅底攜持便十客寮中位置宜勝朝阨運丁陽九八
桂荒涼紛戰守道人投筆萬里外熱血胸中盈一斗想當此
研日隨側草檄飛書不離手一朝城頭礮聲吼猿鶴蟲沙皆
不有懷中抱此一片石萬里歸來突圍走興亡家國感飄零
披髮琳宮匿姓名賣藥定逢金道隱結鄰應識馬家植摩挲
巨璞松陰際背有先朝紀年字滄海桑田一夢遙研池鶴眼
猶垂淚南溪歸來鬢鬢蒼愛此不惜栴檀裝興酣往往呼石
友吾今與爾同故鄉磨而不磷光彩發鬼護神呵天保恤循
吏清歌義士銘萬載千秋長不滅

兩浙輶軒續錄

卷二十一

徐熊飛

弄

八二川

禮烈親王克勒馬歌法時帆夫子屬賦

王所乘良馬名克勒猶漢言棗騮也翹駿倍常所向
無不如志王薨馬亦尋斃汪堯峰先生爲作克勒馬

傳嘉慶辛酉年王裔孫汲修主人屬張船山太史補

圖楊蓉裳員外吳蘭雪博士皆賦詩述之予亦繼和

此篇

賢王開國統六師駿馬亦具英雄姿風前屹若堵牆立四蹏
未動神先馳渥窪池中夜雷電龍種十年復一見汗毛蒸作
五花紋腹底龍麟猶片片魚皮烏拉礮火紅王昔與馬同戰
功櫓槍迅埽飛霹靂一騎騰出戈矛中長驅亂踏星斗碎呼
吸直與天門通身經百戰無一蹶大野漠漠穹廬風惟王勳
名照寰宇此馬與之共千古蘭筋突怒雙瞳方十萬羣中壯

旗鼓人閒芻秣不足食玉轡珠鞍氣無敵沙場跑土洗金瘡
細草蘼蕪春一碧自從仙馭朝天馬亦殉主餘百年張公
放筆貌絕足驕驪奮躍瓊池煙當時神駿世無兩鞿勒不施
意蕭爽想見秋山怒突圍耳邊但聽弓刀響乾坤靈氣產天
骨報國雄心倍倜儻三千腰裏敢求羣十二天閑空列仗馬
高入尺雄絕倫昂頭顧盼開風塵元功不隨竹帛朽猛勢猶
映霜縑新安得良工按圖畫黃金鑄式旌麒麟

袁孝子歌

并序

上虞袁翊元孝事母一日他出火焚其廬翊元狂奔
至家三入烈燄中卒負母衝火出母創甚不逾時歿
後三日翊元亦歿朱秀才文紹作袁孝子傳述其事

兩浙輶軒續錄

卷二十二

徐熊飛

李

六十一

曹娥江邊烈風發野火焚廬勢蓬勃炎焱一氣徹天紅子在
中途親在室千人號呼不敢救孝子歸來風轉驟捨身赴火
與火鬪撥火尋親黑煙透水中三入復三出負親出火氣奔
突焦頭爛額相對號烈燄燒心隨母卒嗚呼孝子至性敦但
知有母豈顧身迴颺漠漠煽飛燼祝融肆虐何不仁行人相
弔淚霑臆山下秋風嘯魂魄精靈猶作斷霞飛日射空江魚
尾赤

金將軍歌

并序

金奕傳吳之洞庭山人剽悍勁疾人呼金將軍宮保
吳公官豫時楚氛蔓延中州將軍橫刀策馬屢著戰
功嘗阻風黃河持雙篙亂流飛渡觀者駭絕太湖漁
人數出爲盜將軍獨駕小舟盡摧其眾湖面肅然宮

保家平湖以故將軍常來此與余友吳瓶齋善爲余述之作金將軍歌

寶刀斫地馬絕塵人閒乃有金將軍黃河東流白馬津逆風吹浪不見人大船待渡葭葦濱將軍鼓勇氣精悍手持雙篙與風戰篙如飛輪水光亂擘風竟達河之岸歸來避迹西洞庭太湖漁寇縱復橫如雲之眾跋浪迎將軍奮勇一敵百篙鋒所觸船船傾水中超距過平野以篙爲戈船爲馬錦裘屢作諸侯客帕首曾纒白蓮社幾年意氣動公侯一日聲名滿吳下如今海寇方鳴張礮火直逼黃盤洋將軍技勇世無敵衝波百戰身不傷何人上書薦

天子授以一旅平披猖無使羣盜驚炎荒

龍湫山人李潛夫墓 有序

兩浙輜軒續錄 卷二十二 徐熊飛 李

龍湫山人姓李氏名天植平湖之乍浦人崇禎癸酉舉人

天子遭國變披髮入龍湫山終身不出甯都魏冰叔嘗于

海澱百里來訪以爲有管幼安陶靖節之風時同邑馬孝廉

吳才顯嘉植亦棄儒冠爲僧及卒與山人同祀鄉賢祠又嘉

平益興巢孝廉鳴盛甲申後足迹不入城市遠屋皆種匏

瓠瓜手治爲器粥於人以自給張浦山作兩孝廉傳謂

巢大隱巢與山人也山人墓在牛橋北沈南疑題曰明孝廉

輿風輝李潛夫先生之墓邑人私謚稱介節先生

哀泉長帶白雲流地老天荒杖策遊斜日松杉蕭寺暝曉霜

薇蕨破籬秋溪山散髮歌朱鳥風雨招魂慟沐猴誰采黃花

奠荒冢一抔依舊對靈狹

馬卿禪榻不生塵巢父匏瓜滿水濱一樣科名鄉進士千秋

獨行老遺民溪雲凍釀梅花雪病鳥寒窺佛殿春往日逃名
棄妻子滄波極目總傷神
咫尺衡門傍澗阿餘生草草隱頭陀身經凍餓文章老眼見
滄桑感慨多人去孤煙迷雪樹潮來空翠溼雲蘿萬松臺畔
黃茅嶺魏野曾聞載酒過

白蘋洲懷柳文暢

山椒激微風陵茗媚芳澤遙瞻隴首雲忽憶瀟湘客汀洲滄
容與一鳥破寒碧波影霽澄輝蘋花吐微白何處蕩舟人漁
歌遠天夕兼

宿竹林庵懷邵童溪

金簪對

僧房竹樹青雲影在空翠無風花自香寂歷得禪意山空天
早寒鐘定月西墜風泉度遙嶺石髮冷平地荒徑百蟲喧圓
兩浙輶軒續錄

卷二十二

徐熊飛

空

蒲興僧睡入山君有期采藥我先至飛夢落遙天涼秋千里

思

石遠梅招同邵子雨

金雪槎

燔並天平兼尋下白雲洞

自支礪山抵天

繫纜青楓根看山白石路人家交爨煙雞聲竹中度林巒媚
秋爽節序感新故溪雲淡不流籬花寒未吐崇岡引西嶺樹
色莽迴互飛蘿裊空巖山鬼睇寒霧行行就遙岑尋途日將

暮

入

白雲釀泉源秋響滴巖洞下有金光草神仙帶雲種入門石
氣青松鼠竄梁棟臆諠竹籟繁庭暗蘿陰重空香從何來冥
心與之共天花不著我無勞梵聲諷

南山西船博奔區

商山四老人高帝不能致太平在青宮招之等兒戲我疑留
侯出奇計優孟衣冠定其事不然四皓已鴻鸞與人家國復
何意風吹長陵一抔土南山如龍欲飛舞英雄遺叟兩寂寥
畫圖彷彿鬚眉古泉聲潺潺溪路長遶山曲折通石梁上有
幽竹羅平岡四人圍碁坐相對耳邊寂歷松風香浮雲隨風
去不息石上靈芝光五色在山不奉明主詔豈肯爲人作羽
翼黃石素書精入神董公奇策叩馬陳漢家舉事多老人姓
名一種垂千春入宮天子駭顏色何人能辨僞與眞君不見
赤松仙人不問世意態自是無懷民何必出而圖吾君

三善仙人篇贈王柳村

像

仙人意氣凌滄洲振衣天末之飛樓大江西來數千里煙波
日夜窗中流乘雲追風結遐想落日倒影空巖幽素琴彈清
兩浙輶軒續錄

卷二十二

徐熊飛

三

八上三

商石上風颼颼明月出江水白鶴聲相求碧桃參差已成實
一開一落三千秋飄然從風下吳會有時倒鞞黃金虬太湖
三萬六千頃化爲美酒浮糟邱仰攀斗柄對天酌醉來不脫
青貂裘笑謂安期生爲我彈箜篌飛泉無聲紫霞夕西風落
葉驚梧楸翩如征鴻不可留臨行贈我珊瑚鉤手無蒼藤綠
玉杖安得萬里從之游芙蓉落青天白雲無時休瑤草一以
秀麋鹿呼其儔我欲揚舲弄秋色風塵不上沙棠舟三山二
水倘相待與君浩蕩隨輕鷗

畫圖唐睢帶劍上殿圖

虎狼之秦誰敢攫布衣怒天字驚彼何人者唐先生干將
出匣搖秋星攬衣上殿辭不屈叱咤萬乘如孩嬰畫圖兀突
森勇氣劍光上逼秦皇帝堂堂高九尺北風寒貫日長虹色凌

厲先生受命安陵君獨持大義摧狂秦不然形庭盛環衛土
具那敢批龍鱗安陵之地五十里危哉賴有先生耳從來大
勇由義立白髮盈頭皆上指乃知生劫非良謀匹夫之勇誠
堪羞荆軻匕首擿銅柱自此奈王并九州

偕耕南先生訪金山人

錦

鴉鳩逐婦林梢嘯雨無其極風淒淒鶯花一半到寒食穠桃
亂點春郊泥今朝霽色滿平野鴨頭水長青玻璃過橋曲折
苔徑滑兔葵燕麥連荒畦江邨自古足魚蟹五里十里循沙
隄人家高下掩松竹茅屋向背忘東西暖風昨夜破萌芽門
前楊柳青絲齊辛夷百尺花照眼破籬掩映紅棠梨孫登祠
屋綠蘿擁歲久寥寂成招提粥魚齋鼓動清晝石臺人靜風
幡低松聲一屋醒午夢山人睡起扶青藜我從東髮客滄海
兩浙輶軒續錄 卷二十二 徐熊飛 齋

雙鳧鷺

楊蓉裳吳瘦夫石遠梅邵子雨金山王柳村同集金

閬亭送蔡芷衫先生

元春 歸金陵

太湖秋水生輕帆疾於箭蔡侯渡江來手持白羽扇金閬門
邊一相見華髮盈頭目如電飄然引我離風塵芒屨同踏青
山雲興來題詩滿僧屋長虹破壁搖星辰大江西來裂地走
昔日曾攀武昌柳招呼白鶴登峴首氣吞雲夢有八九歸來
坐嘯碧山月天下詩名滿人口卽今七十身尙強上山下山
衣履香西風鴻雁去不息目極萬里天蒼涼天平山中白雲
洞菖蒲花發清風送叔夜常隨麋鹿羣景純不斷游仙夢坡

前倒拖綠玉筇濯足飛瀑摩青松文章知己古來少今日之日俱相逢酒闌握手斜陽暮笛聲吹出長亭樹湖山秋色正蕭爽草莽交情肝膽露一夜鄉心向秣陵復持羽扇橫江去

同子雨宿山寺觀燒

木葉落盡山蒼然風晴鵬鷲盤青天江鄉十月罷農事村舍遠近鳴烏鳶故人招我入林去荒徑百折東皋田遶山行歌足不倦松柏十丈流飛泉岡頭佛屋壓山破紅牆綠柱紛相連入門洗足深夜臥星斗爛漫臨窗前道人忽報山燒發攬衣同上青山巔長虹怒飛幽谷底一片騰出空林煙迴颺亂捲赤龍立電光疾掃朱蛇懸紅輪燄鳥互出沒影入空翠爭盤旋雷公長驅爆山骨丁女振彩行珠軒燔毛燎血舞零亂千尺遙見紅雲旃狐狸跳跟木客遁黃蘆苦竹空芊緜迴岡

兩浙軒軒續錄

卷二十二

徐熊飛

奎

又上

斷壑不可阻餘燒化作空中蓮吾生奇氣頗自許對此便欲成高騫天風吹人立不定山頭笑拍洪崖肩歸來一枕北窗夢鐘聲敲斷人閒緣

訪柏谷上人

維舟訪導師蹤迹白鷗知水遶一村竹花明何處籬香臺尋舊跡禪意入新詩縹緲聞鐘磬斜陽客到時

吳梅村先生墓

靈巖山色暮雲開高冢荒涼積翠苔感遇自憐青史在思鄉要乞白衣回茂陵玉椀初明恨江左牙旗庾信哀依舊東風吹秀麥牧童驅犢上琴臺

題顧晴沙先生

光旭

響泉集

輪臺西北路漫漫戀

闕思親去任難雲外蛾眉筇杖老塞門風雪佩刀寒文翁治
化通羌部充國聲名重漢官歸臥九龍山下月飄然煙水一
漁竿

題董文敏摹趙文敏畫秋色圖

秋山卓立秋波明古香觸手煙霞生單椒秀澤忽在眼林巒
婉孌明秋隱香光主人足天趣簪紱不淡山林情幽花開老
畫禪室染筆欲與鷗波并螺峰兩角落縑素絮雲一抹橫輕
清點綴生青塗浩碧嵐光澄淡波無聲昔聞公謹溯苕霅弁
山深處開柴荆王孫特爲寫鄉思誰華青峭當軒楹雲煙過
眼入橋李幾時尺幅歸華亭華亭所摹非一本今觀此本尤
爲精華不注山岱麓北明湖倒浸青蓮莖霜風淒緊木葉脫
秋氣白若銀河傾吳興山水但清遠安能瘦削由天成想當
兩浙輟軒續錄 卷二十二 徐熊飛 奕

與京口諸子重登蒜山春波閣

蒼然淮楚到尊前勝侶重逢敢別筵高樹濤聲過白晝大江
帆影落青天驚心風雨登臨日回首英雄戰鬪年十萬長刀
殲寇地那堪海道尙烽煙

焦山尋瘞鶴銘

仙人御風行控鶴如控馬何年委靈骨遺迹荒山下長江湛
春容月共寒潮瀉幽竹碧濛濛廊陰雨飄瓦殘碑叢古苔林
樾映清灑瑤池失清唳露白仙音寡天末三層樓吹笙懷隱
者

林烈婦詩 并序

清溪林氏女嫁乍浦顧氏子夫故無賴姑復淫悍或
悅女殊色以金錢餌姑及夫女矢志不汙受炮烙死
年二十三時甲子正月晦日

可憐明月光不照磐石心誰使姑不容妾心悲至今妾命春
蠶絲絲絲腸斷絕多謝惡少年黃金買顏色芙蓉復芙蓉綠
葉何翩翩妾不得姑心妾死無足憐如何蘭蕙花變作卷施
草山下青梧桐姑惡嘯至曉

義士行

有序

仁和汪耀川家故貧與同里宋明府樹穀友善宋令
兩當譴戍塞外以全家託汪明年明府沒汪出塞負
其骸骨歸葬之湖上復爲其子娶婦贖舊廬歸之遠
近稱義士

兩浙輶軒續錄

卷二十二

徐熊飛 范懋裕

李

八上七

天下無義士朋友倫乃絕朝爲知己暮寇仇薄俗紛紛那可
說汪君意氣何嶙峋肝膽照人久更眞平生獨與宋君友有
如手足同一身宋君出宰兩當縣遣戍新疆習征戰全家八
口苦飢寒臨別愁看淚如霰是時送者滿江沚君獨旁皇拂
衣起爾親吾親子吾子有渝此盟如白水穹廬萬里宋君沒
匹馬西行拾殘骨馬毛結冰馬蹏熱往往夜墮流沙窟生人
死友同入關葬向南屏鬼鳴咽君行苦遠家苦貧謂友未死
猶吾存寸心誓不負泉壤呼以義士不忍聞君不見南山有
烏尾畢逋梧桐搖落竹實枯破巢完卵古不保白頭老鴉代
哺雛雛成飛去會有日義士之義今則無嗚呼義士今已無
翻雲覆雨何爲乎

范懋裕

字式昆 鄞人 嘉慶甲子舉人 官仁和教諭

縣志懋裕善屬文任學官與諸生討論文字隨其材質高下而教育之仁和鄒志魯兄弟同邑陳僅張積粹王啟元慈溪葛朝皆其高弟既老歸里與二三知舊相倡酬不預外事

題洗硯圖

得硯如得寶洗硯如洗心澡身與浴德敢受纖塵侵心正筆乃正昔賢有良箴願君滌煩慮庶親風雅音

尹元煒

字青父號方橋慈谿人嘉慶甲子舉人箸情風軒文集四卷詩集四卷

董浦曰先生留意鄉郡掌故箸谿上遺聞錄谿上詩輯二書搜采頗富文獻賴以有徵其詩亦清矯拔俗雅近

唐中

初秋夜坐

東南三日風吹盡一天暑夜來絡緯聲疑是瀟瀟雨幽人耿不寐起看月亭午涼颼颼空碧輕雲曳如縷坐覺秋氣生蕭條滿庭廡對此心茫茫欲眠更延竚

兩浙輶軒續錄

卷二十二

尹元煒

亥

811

露下不可見祇覺冠屨涼月移不復覺但見樹影長此時百慮寂仰看天宇蒼林深響墜葉花暗聞幽香熠熠草閒螢飛飛入我堂明朝有客至戒旦具壺觴

題明倪文正公蘭石畫筆張忠烈公江上聞笛詩牋合

卷為葉琴樓作

鼎湖龍去頹陽滅滄海橫流大地裂誰歟慷慨誓捐軀前有文貞後文烈兩公勁節世罕有一死長安一浙右只今遺墨留人閒尙覺英光射牛斗祝融回祿不敢篡輾轉今落琴樓手琴樓嗜古好弄藏閒來示我千縹緗况復忠魂墨氣所凝聚只素烈烈舍秋霜我觀倪公畫巉巉一卷時疾風勁草知勿渝石可朽爛心不死我讀張公詩江聲笛鳴呬舵樓焚香發長嘯老魚出聽潛蚪泣珠聯璧合聚光怪倏忽風雷起暗

憶君不見衣雲閣下竹蕭蕭落日翁洲響暮潮萬事回頭如
轉燭百年劫火已全銷此卷流傳至今獨不滅以手摩挲三
歎息請君珍重慎勿褻此中恐有千載未化萑宏血

讀三藩紀事

國變倉皇痛未消中原戰鬪勢還囂江山慘澹悲南渡燕雀
紛紜賀小朝風急嚴關喧鼓角月明別殿奏笙簫可憐六代
繁華夢一載銷沈付暮潮
眼看烽燧徹天明水火朝端正苦爭祇有汪黃能擅國何曾
江孔解談兵將軍捲甲徒尋衅丞相捐軀自出征從此鍾山
王氣盡杜鵑啼過秣陵城

閩江百道鎖重關極目旌旗黯澹閉羽檄早傳過荔浦牙幢
依舊駐蓉山中宮決策成何事上將專征已不還畢竟巖疆

兩浙輜軒續錄

卷二十二

尹元燁

充

八上リ

誰失守仙霞嶺外暮雲閒

轉徙梧州更廣州流離處處怨旄邱風煙百粵蟲沙盡旌旆
三湘蕙芷愁終使劫遷歸李郭可憐恢復失張劉檳榔江外
宋波國歎息辱王竟楚囚

又見烽煙照越溪山陰道上響征鼙戈鋌久已消淮甸甲楯
仍看保會稽徵調連村催正急舳艫跨海望先迷湖東早報
降王走莫倚鴻溝畫浙西

電掃風馳盡入區中原極望莽榛蕪已聞虓虎踰江表

虓虎本常

詩還見長鯨出海隅白面無謀空殉國赤眉何事更彎弧至
今青史依然在一話滄桑一歎吁

偃陽城輓歌

偃陽城如斗大三旬攻之不能破偃勾倉皇知伯怒城上主

人還縣布一朝城毀門大開
姪姓之國成塵埃樓櫓雉堞今
安在賸得此甄幾千載甄長
三尺博尺半四角模糊無缺
斷年深豈免泥沙蝕質古猶
看光彩煥君不見京百雉魏
十仞寸甄片石俱灰燼偏陽
蕞爾小而固一甄百世還如
故不然蕭魚霸業已歇絕何
以此甄閱世尙不滅偏陽雖
亡迹未息賴此猶壯故國色
始信物理眞難測

山陰道中

一葉山陰棹波光鏡面激
風迴幾行雁秋老半湖菱
樹遠瞻秦望雲深護禹陵
舵樓催晚飯重與問漁罾

謝

號裕莽山陰人嘉慶甲子舉人官山西陵

潘世恩序略裕莽余典試浙闈所取士也其人恂恂儒雅而清介篤實有古君子風晚就一令政聲卓著其詩體格純正正如其人本乎性靈加之陶鑄固當于越中七子外別樹一幟也

兩浙輪軒續錄

卷二十二

謝照

辛

八十一

史致儼序略公敦品厲行學有根柢余嘗延以課子余師文格劉雲房先生以屬和
御製詩命館雲人分作余屬公提刀以獻師曰汝作甚佳
餘子所不及今用之余以實對師大嘆賞命留之而公
歸矣

翁心存序略余在史問山先生幕日與先生賦詩論文幾無暇晷極一時良朋之樂先生少受知阮芸臺先生集中所載芳草曲仙山樓閣圖諸詩一時有謝芳草之目卓秉恬序略詩備各體名不虛傳其風流瀟灑想見當年卓犖不羣之概

待友人不至

孤館多幽思欲語知心客
西風吹我衣憑欄數行迹
之子期不來裴裒日將夕
胡蝶結成雙飛過青苔石

將之富春留別同學諸子

快心那得長如此經年聚
首皆知已析義紛綸切玉
刀縱談劉亮翻瓶水相過
相從不記期每逢佳處繫
人思半因秋雨

聯牀夜半是春風
啜茗時秋波黯秋岑
碧欲別空餘情脈脈
疏狂萬事且隨人去
住一般皆作客時寄居外家
明年春暮落花
殷好遲江天一棹還
爲我洗塵買尊酒
翦燈細話富春山

秋懷

兔走烏飛不肯遲
流年自撫總成悲
本來無慧何論福
誰道能狂便勝癡
身是騁駟圖外馬
秋生蟋蟀卷中詩
涼風吹得吟情緊
木葉蕭蕭下滿墀

題鋤雲采藥圖

身是山中人
時劇山中藥
昨夜山雨多
餘潤滿林壑
蒸作茫茫雲
尙與土面著
鋤雲雲滿鋤
將飛又旋落
臺笠敬遠風
蘚花上芑屬
浩歌雲不驚
響答一聲鶴

無事

兩浙軒輶錄

卷二十一

謝照

主

川文二

無事偏多事
端居費六時
竹剛披徑篠
花拗插瓶枝
試墨烘
泐硯評茶檢
雪瓷澆書常
例罷又續
未成詩

連日

連日長風號
雙扉未曾闢
得酒不成歡
悄焉思佳客
老圃秋事闌
落葉翳行迹
獨鳥守殘陽
孤花媚幽石
蛩語不知人
悠日將夕

次王笠舫韻

上書遙集金馬庭
紛紛河嶽皆英靈
過眼誰迷李程賦
違心枉校劉向經
白雲飛度鏡湖月
紅燭冷入秋光屏
欲去不去兩無計
得意千斛吞重溟

題靈簫館集

金管風華玉瑄才
雙聲齊奏彩雲開
贏他一片秦樓月
祇引

凡禽接翼來

傲作玉淵賦未成屢聞紫玉遞雲聲坡公于斛澄波在滌去
箏琵琶倍明

北河謁楊忠愍公墓

乾坤正氣幾銷沈二百餘年碧血深兩疏鸞嵩銜次骨千秋
龍北照同心疾風宿草寒猶勁白日荒碑晚半陰誰仿西湖
抒忠憤也將鬼蜮鑄頑金

喜晴

濃雲斂墨山開紫十日秋霖陡然止鳥聲嘯破曉窗寒一樓
旭影明如水昨朝恹恹思百端簷頭急溜鳴飛湍今朝洋洋
目全豁吟鞵踏向西疇看西疇看正西成及低搖穉極風前
粒恰好三竿紅日高來烘萬頃黃雲溼此際新晴兆老晴十
兩浙輪軒續錄卷二十二 謝照沈庚 圭

放翁書巢

劍外歸詩客藏書仿鑿楹隱追孔巢父園比庾蘭成蚊睫栖
無恙雞窠老此生綢繆春雨後初聽賣花聲

孤客

孤客清寒甚猶如退院僧擁衾宵聽雪煮茗曉敲冰度歲愁
妻子貽書望友朋歌聲出金石得酒若爲能

沈

庚榜名毓瑛字春江曾稽人嘉慶甲子舉人官永康教諭

永康縣志庚癸舉第一性廉介常以倫行爲身教邑有
試規幾爲成例笑曰豈有讀書人而屑屑於此置不問
有因事受累者爲別
白之饒遺卻勿受

尋梅

梅花何處最先開獨自騎驢載酒來數日尖風一溪雪孤山

寒鶴與徘徊

蔡

字萊峰諸暨人嘉慶甲子舉人官開化教諭著看日樓詩存

陳祥曦曰君學承經對望重鐘銜三衢仰橋梓之賢一室與琴書爲伍蕭然高寄卓爾不羣所謂先正遺風於斯末

秋塞

落日悲笳隱戍樓
榆林蕭瑟自經秋
美人埋骨空青冢
壯士封侯已白頭
野燒連天晨焰焰
寒燐附草夜啾啾
北風吹向南天去
併作深閨夢裏愁

陳世榮

字小鐵諸暨人嘉慶甲子舉人

郭肇曰孝廉天才俊逸在京邸與諸名流結詩社秋草一聯當時推爲絕唱

同人招遊山寺

空山與我約之子
在寒林秋路白雲斷
寺門黃葉深相逢
忽雨浙輶軒續錄

卷二十二

蔡梁 陳世榮 陳均

三

上

秋草

胡蝶黃如許蕭蕭落木殘
人應憐塞外秋又老
江干頽日飢鷹下
尖風瘦馬盤天涯
思往事離夢不勝寒

陳均

字維方上虞人嘉慶甲子舉人官太平訓導

夏蓋廟附祀雙烈婦紀事

夏王駐蹕舊湖山
山光湖影相迴環
靈靈淑鬱紆爲胞
絡含有奇節生其閒
謝家有婦貞且賢
婉婉結禱自頴川
夫君游學死京邸
飲冰茹檠忘歲年
上奉翁始下哺轂
篝鐙照淚痕
斑一朝海寇破門入
擁向海舟星火急
此時剛腸寸寸斷
惟有濤聲助悲泣
自分身命不兩全
踊身入海海水立一片
貞魂化鶴歸寇盜
何知猶悒悒
同時亦有陳階妻
聘於金氏年

及笄夫耕婦織如賓友海氛怒卷烽煙迷婦也叱賊如叱羊
舌鋒鏗鏘成劍鈍白刃交加詞益厲斷頭浴血植不僵一時
見者皆驚愕海雲慘碧日色黃衰哉二婦遭不祿巫咸上訴
天帝哭急令司命招其魂雪骨冰肌被羽服游戲十洲三島
開寓以泉宮駐海屋馮螭切和今難期土塘齧盡如齧麋萬
頃狂瀾不可砥鐵嶺太守常憂之忽夢二媛雲中來具陳前
事神色哀繼言塘工非倉猝惟某月日潮可迴太守尙在疑
信中詢之耆老厥夢同如策施工工卽立臨期閃爍來靈風
從此珥筆紀貞蹟從此肖像酬神工是宜入告於

闕庭編之彤史垂千齡馨香萬古祠海垌長教殿毋避二靈

張秦青 字孟平號秋帆永嘉人嘉慶甲子舉人官雲南永北廳同知

宋壽保曰秋帆工駢體文著小東山草堂集沈博絕麗林文忠公梁荏林中丞皆爲之序同時與曾赤城煥相

兩浙輶軒續錄 卷二十一 張秦青 畫

唱和爲名花十友之一

吳久雨

天鼓撞破雷聲死日月爭浴絳河水歐刀割痛乖龍耳鮫人
訴天泣不止市樓寶廚久脫底漏卻百萬玉珠子石燕飛舞
鵝鳩喜世人住家漏天裏階蹲蝦蟆窠走蠟雲壓炊煙溼不
起簷頭銀繩挂纍纍滿階人聲響屐齒作如是觀半月矣咨
嗟老農困窮土雨師頑聾何乃爾欲召飛廉供驅使雲衣立
就玉女禱白日光明萬里

徐州道中 念其壯志每水思鄉

萬笏峰巒九折坡麥田一路細成波看過岱嶽山都小行近
江南水漸多盤馬空懷芳草地聞鶯轉憶海棠窠從今暫息

紅塵夢一曲明朝公渡河

晚泊錫山

暝色入空碧，嫩涼生葛衣。淺灘雙鷺下，深草一螢飛。地僻得幽趣，人閒忘俗機。好風天末起，吹送片雲歸。

江北舟中懷陳芸石

雨歇劇涼意，懷人對夕曛。波平鷗夢穩，風勁鷺行分。有水便思竹，無山且看雲。芙蓉江上采，歸以贈夫君。

范廷懋

字勛庵，上虞人。嘉慶甲子，順天舉人。官蘭谿教諭。

校官詩錄：君尊甫恭亭先生，乾隆辛卯第三人及第。君承家學，惻惻無華，歿後寒甚，周蕭雲檢得遺詩數首，亟登之。

種竹

揀取籜筴著意栽，園林滿眼覺春來。他年成就千霄節，盡是宮牆出類材。

兩浙輶軒續錄

卷二十一

范廷懋 袁路先

蓋

又川三

袁路先

字驥呈，平湖人。嘉慶甲子，副貢。嘗日香居，課餘吟草。

縣志：路先博覽古籍，與其兄步先齊名。人稱大小袁事，母孝謹，宗黨無間言。

捕蟹詞

秋江無波秋月黑，孤燈一點明蘆荻。草際微行漸有聲，蕭蕭兩岸風初寂。家住江頭老釣叟，扁舟靜傍菰蒲守。漸聽延緣上蘆，來不愁郭索隨潮走。哆張門勇擅雙螯，赤手提攜束縛牢。爬沙忽訝絃中絕，瀝沫難從柁底逃。笊箸倏閉燈初滅，煙靜江空暗落潮。卻憶西風動林杪，秋田飽食紅牙稻。披甲羣矜介士雄，輸芒正值霜天曉。一朝忽落漁翁手，佐客開樽酌清醪。吁嗟丈夫休刺促，身處泥塗未為辱。趨炎附熱蹈危機，由來躁進終非福。

題畫梅

玉作魂冰作骨螫龍蜿蜒出幽窟霜風獵獵雪皚皚兀傲空

山笑寒月

張

鑑字春治號秋水晚號貞疾居士烏程人嘉慶

縣志鑑子劉氏眠琴山館編讀所藏書學益博發為文

籍纂誌等書嘉慶辛酉拔貢甲子中副榜元督師往甯

波挾鑑三百餘卷其海運大畧與鑑說合而稍加變通焉

光甲申奏行海運水著述有古文尙書陸說一冊詩本事

緝雅堂詩語秋水著述有古文尙書陸說一冊詩本事

存二卷夏小正集說一卷論語考逸一冊孝經證陸簡

卷六書竄言四卷假借表通釋一卷西夏紀事本末三

十六卷東南半壁紀事三十卷隋朔行宮錄一卷蕃釐

觀稽氏聖賢高士傳存真一卷兩浙賑災記三卷附錄

廣輯三卷神農本草存真三卷眉山詩案廣證六卷兩

宋書院志四卷中西星歌合鈔二卷感統歲實消長表

兩浙輶軒續錄

卷二十二

張鑑

美

二〇〇

卷釋鳥一卷夢史一卷破楚錄一卷冬青館隨筆一卷

破睡錄一卷阮漱錄一冊楚詞釋文十七卷上林子虛

賦郭注輯存二卷蠅鬚館詩語五十卷秋水文叢五十

集四卷古宮詞三卷畫樓詩三卷冬青館甲集六卷乙

集三卷有奇可云宏富潘茅屋詞二卷凡目五十有二

為刻數種然散佚不傳者多矣

題趙忠毅公手書詩卷後

熹廟同文獄誰憐高邑心書名魁點將講學繼東林一疏神

羊伏千秋味檠吟阜雕方眾正委鬼復僉壬甘露奇謀洩紅

九禍本深左楊五虎盡周繆六芝沈感激留詩卷流離戍隴

陰寸丹孤太白殘素匹南金舊史宮鄰失龍蛇墨瀋尋蒼涼

如意舞霜氣入華簪

仲秋朔日李光甫招集湖舫分賦

平波漾鞞紋櫓枝曳搖碧菁雨折簡招聯袂多於鯽是時候

中秋湖目尚堪摘遙峰露娉婷髡柳傲蕭緘淡陰初解駁日
脚漏舡格微雨忽來過煩襟此焉釋輟棹復容齋亭館弔陳
迹偶然探三車終令度雙屐矧領漁隱銜夙契託汎宅回船
出葑田給飯蕘洲夕鬪拇與藏鉤蟬連語無擇小戶羞嘔茵
洪飲膽豚劇曠色赴漁燈梵韻催歸客羊劉罪不任索句免
頭責勝引忘朝昏妙侶感今昔燕朋吾敢撻澄懷在三益

酬楊拙園

窈窕雲溪館內有冰雪姝惠中復秀外高節今已無寄來八
十字一一半尼珠亦期青雲致惟羞自壁汚那無茯苓丸令
人顏色腴鸞翻或免鍛所惜日月徂余本骨相屯念此心煩
紆風雅委榛棘世俗貴筭竿筌典久寂寞棄置同誦觚菰蘆
得之子爲德可不孤言雖遜賈茂行己如辛迂隻手妄欲蹠
兩浙輜軒續錄 卷二十一 張鑑 宅

過黃九煙先生墓

百年留故蹟咨訪墨溪濱
狗齋無址銅駝夢散雲
先生著
有夢雲齋集
版片亦久燬
小橋流水曲獨拊一抔墳
相與談文獻裴回倚夕曛

五遷隱芳屋遺世首頻搔
顛沛亡張儉淒涼老謝翱
生存明進士死讀楚離騷
太息無碑碣何人薦野蒿

題沈退甫丸熊圖

獵後天山一匕鮮
桐雷妙訣昔曾傳
誰知顆顆盤中藥
心血長年佐讀淚先枯
看抱遺經入畫圖
報答此心原有術
卻教丸成十五年

長年佐讀淚先枯看抱遺經入畫圖報答此心原有術卻教

書卷勝萱蘇林風交來想情周圖中人何似陳無已

老去無成兩鬢寒感入明發涕洟瀾舊時經史渾忘卻尙欲

從君給一丸

奉華堂澄泥硯歌

宋思陵劉貴妃物阮學使所藏

吳興

攷古研材羅異同玉石陶瓦皆磨礱澄泥之研出何許款字
曾鑿光堯宮憶昔天水南渡日鳳凰山下樓臺出紅霞隊裏
大劉妃妙選纖腰初第一夙嫺藝事足自娛殺粉調鉛無日
無棘鍼界畫妙兼擅寶繪猶補袞圖芙蓉岡西射廳側棊
几湘簾淨如拭御前待詔拂絹素研也爾時賜顏色我聞德
壽日寫經一百九研同繁星洮瓊端紫盡羅致水滴瑛微琉
璃屏此研曾否列其次當時誰進婉容位縷金裝匣總妍華
沈水爲山空嫵媚玉函零落冬青前百年纔過漂鈿蟬石湖
兩浙輜軒續錄

卷二十二

張鑑

支

又三三

靈璧不足數海嶽蟾蜍豈可憐回首匡山陣雲莽玉帶生亡
事可補漫說黃冠注水雲手把斧柯淚如雨我公得此親傳
摹重之不啻青珊瑚眉紋似是土花蝕星點還疑羸矐汚紅
雲杳杳秋風裏名姓空勞沙畫史不須續篋似孫箋一種消
魂楊妹子

庚辰七月二十五日同人登寶石山天然圖畫閣遇雨和楊

曾鑿

傳九用樊榭韻

佛閣梯枕扱徑登四山涼翠記來曾白蓮社肯孤良友壞色
衣須借病僧拾果野猿窺石欄聽經仙鼠拱秋藤他時再結
宗雷約莫道攢麋我未能

卷五題文待詔空林覓句圖

落葉滿空林秋風夜來起借問圖中人何似陳無已

石角初黃鴨腳水邊還綠蛇牀有客閒吟擁鼻背後奚奴錦囊

紅欄家世吟詩社待詔風流久寂寥今日停雲閒館外長年惟有樹蕭騷

歸雲庵懷孫太初

不見孫高士風流自昔聞湖山留舊社風月冷歸雲瓢影離言說松聲澹俗紛幾回參嘯旨蠹葉滿斜曛

舟中望道場山

瓜皮艇子盪空濛森森寒流瑟瑟風白塔紅亭遙望處不知身到水晶宮

秋螺如笑幾回看倚櫂城根日又殘好是浮萍吹斷影雲屯浪湧作秋寒

兩浙輶軒續錄

卷二十二

蔡鴻燮

壬

メリ川

蔡鴻燮

字蕪延桐鄉人嘉慶甲子順天副貢

陳鍾祥序略先生少從父叔宦遊京洛聞喜爲詩古文詞嘗與楊蓉裳劉芙初諸先輩往還唱和才名藉甚以副貢考充教習旋改饒尹卒於山左

送人之山左

行行重行行問君何所之我有一杯酒勸君君無辭離家君莫悲丈夫在遇時所慮路修阻雨雪如散絲途中黃葉飛車上涼風吹孤鴻從南來羸馬向西馳君行千里遠從此長相思歸來視盤中餘酒猶在卮思君不得見明月上花枝

曉發北河

鈴鐸不語燈影死倒捲酸風射眸子白沙似雪橫空飛十里凍雲吹不起前車高呼後車應雙輪搖搖行不止瘦馬躑躅暗無聲鐵蹠踏冰冰裂趾老樹如人蹲水曲漆燈導狐火星

綠孤星落水冷無光九月當天寒有角車中獨客僵蠶眠霜
花割面風侵氈凍手龜裂不敢觸眼迷如霧天盤旋孤夢如
煙衾似水冰淚條條著寒被高樓深臥塵中人午日亭亭睡
未已

城西晚步

野水碧無際孤村老樹遮草荒餘病馬風急散爭鴉暝色綠
殘葦秋心紅晚花蒼茫感往事獨立夕陽斜

董迪

字惠吉麗水人嘉慶甲子優貢官直隸昌黎知縣著菊軒詩集野遊草

曉涼

蘋末西風起新涼到客船破帆千里夢畫角五更天遠岫落
殘月平林生薄煙孤懷一吟眺頰仰數華年

楊尙觀

字改之號譜香錢塘諸生箸延秋竹月樓稿

兩浙輶軒續錄

卷二十二

董迪

楊尙觀

六

又上

杭郡詩三輯譜香懷才不遇習申韓家言客海州行橐蕭然性酷好飲醉輒忤俗以此益困其詩多牢愁奇恣別有曲池小圃詞亦哀激淩警

長至後五日同鄒仲虎集南屏松光上人丈室用韋左

司賦義演法師西齋韻

刺舟訪精藍隔水度疎磬老衲習圓通能適魚鳥性蔬筍味
禪悅花木闌幽徑貪靜欲坐忘雲歸綠窗暝

書事八首

錄四

奉行故事久相延一輓頰波三十年泥古竟同安石拗救時
誰擬鄭僑賢欲教絕域輸漁利轉累官家費帑錢投老閒民
禁不得如焚心事杞人天

拔浪鯨鯢海氣腥議和議戰費調停契丹得講金繒好上將
爭誇岳瀆靈宛轉捷書酬

帝眷煩冤新鬼詆軍幹高牙昨夜聞吹角又報台垣隕大星
韓范高門世所欽旌旗指處氣蕭森請纓未壯同仇志揮筆
徒殷敵愾心天外更無長劍倚尊前空有短歌吟督師自擁
貔貅臥不見瘡痍付陸沈

百里空營讓敵屯直如揖盜自開門隨波殉節都成例臨陣
捐軀竟返魂萬姓何辜歸浩劫

九重無奈錫殊恩他年野史傳遺事功罪分明與細論

張復字子真錢塘諸生

高炳磨傳略先生性冲澹弗尚榮利嘗挾
所爲文出游當世陽湖洪亮吉奇其才

鄒存淦傳略先生嘗佐林文忠幕文忠極重之精太乙
數不來事如示諸掌同里張君雲士極慧人也母
心疾不能止請先生卜笑曰小疾何用卜然子奉母命
不可違筮旣成先生駭然曰子母不起矣速歸侍疾雲
士歸到股以進心疾已盡奈壽數何卽袒而示之臂曰
語雲士曰人子之心

兩浙輶軒續錄卷二十二 張復

昔者老父病吾亦爲之世方知先生曾到股云先生文
宗漢魏尤邃於揚子雲詩超然遠俗阮文達嘗稱其詩
文皆有奇氣

丁丙曰子真丈客邗上與朱鐵門汪已山郭頻伽江聽
香吟風醉月名滿江南而與先叔祖也鶴先生結契尤
深晚耽禪悅沒于越而其齋
詩文鈔高昭伯炳麀刊而行之

齋中讀書

誦讀期治安不在泥章句王霸任所遭道略裕平素制作法
周官先需達時務前史備盛衰尤貴求其故宏論若懸河隱
衷未闢霧控馭或失宜驪駒亦窘步執古鮮變通惜哉儒冠
誤

通經在有不用不盡藉辭章辭章固可傳何必如笙簧長卿賦
大人逸藻殊飄揚子雲草太元奇字難推詳立言與行違論
定輕秣稊著作無貴多昭垂日月光誠正闡實學萬世仰紫

陽

將赴維揚留別越中諸友

朔風催雁越王城，屈指歸裝又遠行。
畫舫紅橋千里夢，烏絲綠酒十年情。
羊求故徑期無負，禽向名山願未成。
自笑飄蓬常作客，那須惆悵玉簫聲。

六代繁華賸綺羅，重來杜牧恨如何。
人當壯歲閒情減，詩入他鄉感慨多。
北里新聲延夜月，南朝舊事付煙波。
銷魂懷古頻添債，後會蘭亭一醉歌。

結交行答高飲江

黃金結交我輩難，新辭惠好愈琅玕。
殷勤慰勵動顏色，歷落感慨摧心肝。
由來下里賞靡極，縱奏咸英冀誰識。
揚雄幾見譽桓譚，趙壹徒聞謁羊陟。
丈夫吐氣干長霓，強項肯向風塵低。
有時欲投東海釣，不爾便把南山犁。
百年知己惟詩酒，天帷地席亦何有。
與君相遇且酣吟，身外浮名等芻狗。

歲暮雜感

往時雅會數消寒，星散荀陳聚復難。
過眼但知增馬齒，捫心常覺累豬肝。
江湖文字豐年穀，世路交情餽歲盤。
鄉夢近添兒女態，燈紅酒綠話團圓。

贈別郭頻伽

風雅真難得，如君洵絕倫。
慕名猶耳食，趨俗固心瞋。
知我違時調，箴言及古人和平。
慚未養此去，欲書紳

徐

楸字仲勉號伽
蘧錢塘諸生

杭郡詩三輯問蘧廣見博聞搜奇嗜古金石之錄古器
之評莫不眞贗鑒別所藏吉金極富商父癸爵周應公
鼎尤著

珍秘

兩浙輶軒續錄

卷二十二

張復徐楸

全

× 〃 〃

建昭雁足鐙歌

炎鏘之德燭火微東瀛紛紜赤雁飛太歲在酉乙丁紀攷工
勒物銜名禕下眎竟甯忝兄齒同行鷺洗拳魚磯嗚呼鯖熟
五侯第四十二年風展翅孺子庸愁鼎趾顛陽平早聽鸞聲
至後世子孫毋敗壞美新之文發光怪中吳前修饒古歡不
脛而走珠落槃矧乃有足有傳翼月輪慘澹星闌干一鐙蘭
璧完黃浦范銅曾合漢家土無盡藏中占玉燭長明臺下支
金距可憐閱歲動盈千幾許傳家留第五不然殘瓦逐蜚鴻
蘭膏消息誰為主

徐廷錫

字貢南號秋雪仁和諸生
屠倬序略貢南所為詩多自得之

語淡而彌永有山林塵外之致

孫輔元跋略秋雪恭謹踐繩墨之士外和而中介嘗館
奚丈蒙泉家丈畫古木寒鴉圖以贈余見而愛之臨歿

兩浙輶軒續錄

卷二十二

徐廷錫

全

又又

出以贈余其
昵余也深矣

楊振鐫曰先生居貧媚學不以世事嬰心故所為
詩風味蕭淡既歿無子余慈柏李抑齋刊其遺稿

初冬泛舟河渚過秋雪庵登彈指樓晚眺

繞遍蘆花第幾灣暫停烏榜叩禪關沙邊晴雪撲寒水樹外
夕陽沈遠山此地絕無游客到我心爭似老僧閒樓開彈指
荒涼甚賸有鷗鳧共往還

石屋洞

何年一片雲墮地結為屋石戶豁豁訝疑是鬼斧鑿懸厓多
佛像半蝕苔痕綠鐘梵了不聞松風響虛谷

水樂洞

冷冷山中泉清響忽飛灑雅樂何年張琤琤巖竇下石門窈
以深雲液任傾瀉樵歌嶺上來此韻若為寫

晚過寒山

落日見寒山成行高鳥還浮圖黃葉寺野水白蘆灣月色推
篷入春聲隔岸閒江鄉知漸近把酒且開顏

黃孫燦

字天然號海樵仁和諸生箸聽雪樓稿

杭郡詩續輯朱青湖彭以詩學提倡後進海樵與弟步唐皆從之游故其所作宗法頗出于正

虎跑泉試茗

高僧住錫區石乳池中注水氣含精嵐霏霏散煙霧忽值良
友招相將攜茗具一甌洗心脾何殊吸芳露松風吹我衣放
眼盡成趣緬彼坡公游巖閒留好句匏尊自在嘗名賢涉難
遇坐石聽泉聲斜陽挂疎樹

王臺

字春熙號笠生仁和諸生箸夫須草堂集

府志臺少時惆儻自喜布衣金輅極賞之招居郭外之梅莊妻以女壯歲恣游南北磊落英多詩文速藻見紙

兩浙輶軒續錄

卷二十一

黃孫燦王臺俞寶善王斯年

齋

811

即書時呼為王尺八尺八紙名也比老困頓而豪于詩酒卒年七十五著有讀史摘要王氏早風錄

同白亭石樵陪朱青湖先生登鐵冶嶺

春霽果佳游共登鐵冶嶺言此形勝區卜築素心肯可憐讀
書臺荒基無斷梗斯人不可再鐵笛吹已冷縱目眺全湖雙

峯送青影

俞寶善

字元長號贊山海甯諸生箸誦芬軒詩存

府志寶善家貧以授徒養親為朱珪阮元所稱許嘗結詩社於西湖一時稱盛與陳文述陳鴻壽俱以詩名

社集呈王蘭泉先生

柳梅春意未全回首集春風杖履陪經訓蓄畬宗許鄭文章
組繪媿鄒枚推襟南國同心友結社西湖照膽臺一樣蘭亭

會修禊乘時觴詠盡英才

王斯年

字海村海甯諸生箸秋隱書屋詩鈔

許姓祥曰海村先生以諸生入貫官江南長淮倚千總
師事張歸山太守張沒繪敘詩圖以悼之徵時朝祭酒
評曰出情入理不事鋪揚揚謝爲工阮儀微跋
曰揚之慷慨抑之纏綿洵麗雄奇允爲才筆

述祖德詩爲先高祖母龔太孺人作

并序

太孺人氏龔先高祖息影公之側室也公明諸生性
慷慨以節烈自許國變後子身入括蒼山轉徙至龍
山因家難謝遣孺人孺人仰天泣曰身可殺不可去
也割積樓數椽居之曾祖堯臣公年四齡攬衣嗚飢
僅菽數斗當是時土寇竊發城無居人腥風塞地殘
骸挂天慘澹孤城燐飛鬼嘯孺人攜幼子瑾蹟閣中
畏寇知不敢出炊煙飢咽生菽渴承簞溜飲之五日
幸不死事平以紡績自活課子從師得入邑庠

斯年

垂髫時先孺人每言及之必泣且曰他日入仕版幸

兩浙輶軒續錄

卷二十一

王斯年

奎

八八上

疏於朝庶不使奇節久湮也不才淪棄騰達難期恐
日久併此梗概忘之敬爲此篇以紀先德

草味鬱風雲龍戰有明季偏隅畫江淮兵戈塞天地崑冠處
士尊抽身勇赴義嫡室兩郎君攜家先寇避時危厭細弱手
揮如土棄賢姬仰天泣此身死不貳士君龔青衿妾肯他人
侍況此髻鬢兒舍我將安置積閣久塵封數椽風雨庇幼子
牽衣嗚飢火忍愈熾委棄斗升菽持此作糗糒無何賊鋒逼
孤城喧笳吹日澹刀光青村洗山容翠降豎龍子旛門杳桃
花騎冷月走游魂腥風撲殘馘登高望炊煙殺人不斜皆賢
姬扃空閨嫺勇全以智升樓去階梯闔戶親墜墜噉豆哺病
雛聊爾繇生意彼蒼哀貞妹廿兩弗檐清羅列盜與風併之
盈一器入嚙勝醜醜陸覺枯腹膩五日賊氛遙驚定魂還悸

拌與石俱焚壁完庸可冀時平嫡室殂先後兩郎斃寶此渺
小孤一髮千鈞繫有子蕪書田慙爲名父繼敝廬著新詞課
使朝夕肄息影公著有息影廬詩文集霜飈吹寒檠兒讀母旁睨臨文食
供魚講學衣更敝甯出千金裝皆仰十指計繡罷錦生花織
勤梭穿袂願兒筆有神同此文章麗泮水蜚英聲爭羨追風
驥北堂笑口開今謝撫孤寄斯事吾母言敬聽共揮涕長貧
遠朝班末由請

旌異奇節如珠光沈淵豈終祕載拜臚膚辭畧備采乘記

周鞠人

紹衢

書來得廬小鳧茅春帆近狀寄懷

湖海分飛鷗鷺羣客中搔首爲停雲頗懷其酌青田核最憶
斜書白練裙落拓無能休似我徘徊何地不思君祇餘一事
猶堪慰未敢猖狂筆硯焚

兩浙輶軒續錄

卷二十一

王斯年

癸

文

華年曰是恨蹉跎春老鶯花奈客何夢爲程遙歸亦少愁於
酒後集偏多炎暵不乏清涼境旅況原非安樂窩只有荔支
經飽啖恐君又妒學東坡

安定書院訪吳穀人祭酒不值

祭酒儒臣望文章一世師愛山因母老能孝答
君知桃李霑時雨湖天入好詩春風高躅遠勞我十年思

哭張船山先生卽題序詩卷子

史館徜徉二十年仙心遊戲不升天

先生自鑿印章曰羣仙之不欲升天者霜

清白簡陳封事冰飲黃堂卻俸錢吾道難行聊酒隱奇才何
意僅詩傳蓬萊水弱抽身早留得仁聲頌後賢

破楚門西且駐鞍水環花圃寓公安畢生正氣孤青史萬古

雄心一釣竿蟹眼頻翻看藥鼎蝶情頓悟隱蒲團最憐數間

維摩疾小別經句見面難

先生屬纊余適返武林

岷江浩蕩曉煙開萬里思親病未回三女零丁依幕燕一棺孤冷寄蘇臺道山有伴同兄逝

亥白丈亦歸道山

家業扶衰仗弟才

謂旂山主簿

交遍天涯多長者素車應待巨卿來

羣彥傾談一座尊春風曾侍草堂溫詩傳衣鉢開奇境語到君親有淚痕不佞自憐餘傲骨長貧何處答師恩丹青幸得生花筆摹想遺容仿彷彿存

鄭

湘字融川號楚雲嘉興諸生著得陵軒贖臺

鄭師靖序略君少孤恃母以長以教篤學致行有聲巖序工於詩吳山越水間往往與知好遊覽唱和以野寫性靈兼善繪事或圖其詩中之景相投贈

次臨平

犢山青不盡盡處見人家宵市一溪火歸程八月槎寒煙迷

兩浙輶軒續錄

卷二十一

鄭湘周秋光屈爲彝

七

801

白屋秋色到黃花欲解相如渴停舟問賣茶

周秋光

字顯華號莘野嘉興諸生著莘野集

遠香詩話茂才承簞谷之後清門世守澆剝一神晚年喪子青鏡破屋研食不給讀無兒歎真一字一淚也

無兒歎

無兒固無累所恨不早無我年六十五兒病捐厥軀兒年二十五可以代奔趨庶幾衰羸者安坐得須臾一旦捨我去悲與歲月俱我婦蓋棺時兒幼如雞雛宵晨自撫育父母一身世澤斬邱墓付樵蘇他日我骸骨誰與埋荒塗一再念及此血淚逆牀隅

屈爲彝

字范香平湖廩貢著古音閣吟草

朱王林傳略先生秉性敦樸學有根柢家貧授徒養親暇致力於詩皆興趣超然神致獨得嘗有詩音分部集

春日言懷

春風昨夜來百卉生新綠寥寥數點梅芳信到茅屋主人靈
均後瀟灑故不俗好花時與培道書閒能讀欣欣魚鳥私此
樂何妨獨日暮掩荆扉引觴醉醺醺仰見浮雲馳忽悟眾生
促人生貴適志不辱在知足誰與共襟期羊求邈空谷

春日漫興

春暖已如許猶然擁敝裘病難資藥力書藉遣窮愁簷鳥窺
人嬾谿花逐水流晝長塵慮寂吟興轉清幽

孫

培字蘇門烏程人
箸垂露軒集

苦雨

天心固仁愛豈不為人謀禾黍被隴畝高下望有收一雨忽

兩浙輶軒續錄

卷二十三

孫培

癸

×。×

累日蕭瑟如涼秋怒濤挾風吼橫波入城流瀰漫遍野得
毋傷田疇我欲問雲師爾何因此州平林煙漠漠飢鳥聲啾
啾溪壑相貫注檐溜無時休速整羲和轡曉挂扶桑頭游子
雖坐食亦懷蒼生憂

乙丑人日過石塘書齋喜晤迂懷蕙園悔門諸同好次

石塘韻

春雲黯黯覆茅茨舊雨重逢憶夢思連日窮陰疑作雪一年
佳節可無詩浮生聚散同飄梗涉世艱危等累棋眼底故人
皆老矣莫教辜負看花時

東莫鑿舟

蘋花蓼葉滿蒼灣借住皋橋屋數閒小院淒涼秋夜雨疎林
掩映夕陽山強支病骨惟加飯淡盡名心且閉關若得衰年

筋力健與君乘月荷鋤還

徐堅 字卓人號春鄰烏程人著春鄰詩彙

吳全昌序略先生少游幕四方趙北廣南輪蹄幾乎天下每抵掌論時事獲析條分洞見始末稱一時練達才地躬行實踐餘事肆力於詩皆不失風人之旨

登鳳凰山

秋氣極蒼莽登臨豁遙目褰衣陟崇岡寒風響林木弁嶺何
岩崑茲山乃其麓遠寺來疎鐘清曠滌塵俗絕壑散煙霞荒
徑遺松菊鳥鳴澗中樹犬吠雲際屋日薄不知還欲就招提
宿

過梅里

一路梅花少沿溪多白雲人家臨水住煙樹隔邨分稚子知

留客鄰翁解論文我來獨懷古短棹倚斜曛

兩浙輶軒續錄 卷二十二 徐堅 沈志熹 李承烈 癸

沈志熹 字紫文號忍庵武康貢生

題燈 吳興詩話題燈創自于文襄視學時嗣後永以為式

傳呼五夜尙聞雞旋放紅霞認試題錦字光中摹點畫冰壺

影下識筌蹄芒生斑管胸羅宿燄湧金蓮氣吐霓表裏空明

開眼界恍從天祿照青藜

李承烈 字芑洲鄞諸生官江蘇松江府經歷著修齊堂詩鈔吟花小草

黔苗不軌竄入西隆隨吉大司馬督師赴泗城剿禦舟

晚卽事步張鄒谷茂才韻

將軍擐甲指邊庭樓櫓曾無一息停燈火倒懸千嶂碧旌旗

斜捲暮山青力驅巨鯨濤初靖 粵東海盜漸次剪除欲斬修蛇劍已腥

他日崑崙山下路題名應建四公亭 宋狄青孫沔余靖破儂智高後人建三公亭於

其地題曰異日誰相繼來書第四名

凱旋渡紅水江呈有齋宮保

萬馬長嘶驟曉風
鏡歌高唱越臯雄
山光不改來時綠
江色猶餘戰血紅
夾道壺箏迎絳節

九天雨露錫彤弓
渡頭回首和平路
故壘蒼茫夕照中

曹偉皆

字茂岷定海人官陝西整屋典史著三養老人集

張忠烈公遺硯

憶過甕天居讀公聞笛詩

同鄉范莪亭孝廉藏有公聞笛詩扇

秋江寒月落懷

慨攄憂思宮井水已竭

宮井晉王陳妃殉難處

雪交亭明大學士張肯

堂先生殉難處俱在吾邑

惟公激豪帥海隅猶連師
溯江越金陵傳檄到

彭蠡一旦失所援傾廈
無人支國步已云蹙
臣節無可辭當時事戎旅何暇文字爲
被逮繫錢塘揮濡幾忘疲
叨以寄素志非欲求人知
要其獨到處神采紛騰飛布囊
富篇什一炬

兩浙輶軒續錄

卷二十二

曹偉皆

卒

稀留遺

公在錢塘獄時有求詩者大吏不禁竊貯布囊中爲獄卒所焚同鄉萬充宗諸前輩拾其餘燼鈕玉樵觚

贖中錄

後輩得遺迹一字猶鐘彝詎意一片石流傳天之涯

五首

舊紋逾折裂磊落存銘詞
購求竟入手如接公光儀
慚予愚且賤何足付畀之顧
惟景仰心忠魂或憑依
遂令扇與硯均爲同里私
珍藏返句甬壁合光交輝

夏孝女歌

烏鰂乘風翻濁浪
墨花噴起漫天障
精衛銜石填滄海
冤魂化厲都人駭
夏家孝女弱如柳
生長深閨保母手
一旦慘遭殺父仇
滿腔熱血冲牛斗
仇者何人邑明府
深文羅織囚其父
千金營脫怨難直
仰藥絕吭死獨苦
孝女投繯訴上臺
上臺感動緹騎來
幹旋雖具回天力
釜底薪然終不灰
瘧鬼頻侵孝女瘡
參苓助虐不容痊
可憐齋恨入九地
官厚酬醫吏

烏鰂乘風翻濁浪
墨花噴起漫天障
精衛銜石填滄海
冤魂化厲都人駭
夏家孝女弱如柳
生長深閨保母手
一旦慘遭殺父仇
滿腔熱血冲牛斗
仇者何人邑明府
深文羅織囚其父
千金營脫怨難直
仰藥絕吭死獨苦
孝女投繯訴上臺
上臺感動緹騎來
幹旋雖具回天力
釜底薪然終不灰
瘧鬼頻侵孝女瘡
參苓助虐不容痊
可憐齋恨入九地
官厚酬醫吏

役歡緹縈免父曹娥逝一死一生皆遂志孝女死不雪父仇
夜臺空咽悽惶淚海外旋聞鷓鴣爭爾亦波及需質成外洋漁戶
爭奪鴉地營員得賄以兵助之嚴旨速問自知對簿輕疑罪何意貞魂
殺多人命未具報怨不平窗影憧憧鬼聚哭陰風浙浙鐙光綠田蚘被擊伏牀
頭子玉雖驕縊荒谷吁嗟乎掖傷犬據崇爲虐豕立人啼履
被攫千秋鑑在甲乙編黃金猶自填貪壑

孫步康

原名雷字雲階號質谷鳳飛子會稽廩貢官訓導善寄肅應詩嘉入卷

家傳略海署義烏定海湯瀆集善校官所至修宮牘
置禮器廣學舍勤講肄捐膏火恤孤寒每去官諸生依
戀多泣下者制行必以儒先爲歸年六十不復出惟以
道義率先郡邑士爲鄉里矜式好行其德終身不衰道
光十八年重游泮水咸豐中以能詩祀郡城詩巢事蹟
詳宗副使稷辰躬恥齋文集陳副使錦越中觀感錄
校官詩錄君每任邑有大政其令長必咨詢嘗分俸以
贍貧生歸田後仿香山作齒會得年八十有二與其曾
祖餘杭教諭虞川公共濬局

兩浙輶軒續錄

卷二十二

孫步康

空

杜煦曰先生齒會余嘗附末坐知先生佚事爲詳先生
精數理自知終日臨及神識湛然猶賦二詩曰授季子
道乾寫之其一云假使而翁逾百歲承歡畢竟有窮期
卅年逮養應知足愚孝如斯亦大癡蓋爲仲子虛舟君
道濂婦王作也先生四子仲叔季皆庶益雍睦先生家
廢王侍疾衣不解帶者三年由是嫡庶益雍睦先生家
教嚴有子不敢言王適舉次子周歲矣因撤乳乳之朱
乳朱憂之不取言王適舉次子周歲矣因撤乳乳之朱
則大慰他委曲養志事欲類此先生嘗閱郡城東南區
山水所匯內朱子祠虛舟君皆力任其役以水勢又嘗議
修五雲門內朱子祠虛舟君皆力任其役以水勢又嘗議
余尤慕之因以季女字虛舟君翁子澤不以年輩爲嫌
也

緝雅堂詩話余按臨各郡每因學官之賢否察學校之
興墜試湖州日長興教諭孫君德祖來謁學博行方勤
勲以整厲風教培植人才爲務今編詩之事資其甄采
去取之間多有微意及觀其先世雲階先生事略修
弗怠垂教至嚴知淵原有自能述祖德旣喜後嗣之無
忝又思凡士夫之家若能謹身劬學子孫未有不賢風
俗未有不美者也不

甲辰十月爲第六孫繼祖開學賦此詒之

貴三歲識之無是汝宵燈母訓初孫甫能言其母王軻夕課四字且則引就余復
之經年已畢就熟易爲童子傅述朱先仿老夫夫書典徵映雪
周常侍千文就熟易爲童子傅述朱先仿老夫夫書典徵映雪
休忘祖余中歲更名慕宗賢也常舉爲孫勛故及之筆儻凌雲頗望渠家有讀書
眞種子殘年娛我幸何如

病中聞第三孫念祖府試第一志喜

記得含飴自授詩庭前卍角許岐嶷才逾舞象無多歲時年十八

初學塗雅有幾時士籍

五朝沾

聖澤衣冠七葉到孫枝衰年待盡吟情減還擁寒衾一撚髭

臨終口占

偃臥經月體中初無所苦所以然者俯念諸兒諸婦

服勞奉養于是乎終俾得盡心湯藥無遺恨耳詰朝

兩浙輶軒續錄卷二十二 孫步康 陳岫林 空

又川

且長逝占此命道乾寫之

行年八十二生逢太平日有四子七孫曾孫亦繞剝惟見少

者長不曾見妖折叶良者孝且順秀者作能述薄德荷天寵

太和溢吾室世無百年人冬至理須蟄休我順大造聊示維

摩疾備福在考終始願非所及兒曹勿悲戀啟手吾事畢

陳岫林字二雲黃巖人

縣志岫林工繪事雅有董巨家法時作小詩不染俗豔逸品也

題畫

似箭春韶感逝波花辰都向酒中過緋桃一樹娉婷影收拾
餘香入畫多

經年無夢到長安一舸煙波眼底寬頭白漁翁早忘世蘆花

深處日垂竿

張可字

字藹堂浦江人
箸琴軒鼠璞詩

朱寓跋略藹堂性沈靜好讀書善琴尤嗜吟詠苦思力求常以致疾而耽之如故所得往往往卓絕時金華曹珩
圃浦陽鄭如山主持吟社義門則有雲泉蘿亭望樓稽
軒孝門則有西堂雪帆春舫諸君子更唱迭和故藹堂
之詩
爲多

卮言

耐寒有冰蠶附熱有火鼠糞蛆不知臭蓼蟲不知苦秉性固
自然託地亦自取嬰兒聰明全初不炫聞睹聲色一以入耳
目便聾瞽優人非不文隸卒非不武芝草無夙根青樓少貞
女所以近朱藍君子慎所與

五百灘行

君不見危灘最數瞿塘峽峭石嶙峋刀劍插又不見虔州競
說十八灘過客聞之心膽寒何處有灘須用眾行舟更覺如

兩浙轉軒續錄

卷二十二

張可字

奎

又文

山重山不易拔鼎難扛半千人來競喧闐通濟橋下水漫漫
雙溪水入沙激湍謫仙自昔有題詠此處相傳五百灘我來
灘下時蕩槳幾見潮頭高十丈並無頑石怒如虎亦非灑灑
大於象兩浙山川足幽趣灑灑風帆蔚雲樹舵工安穩沙水
白此灘之險在何處臨風長嘯問江神江神默默空煙津得
非巨艦昔過此舟落際中扶不起一時父老競流傳名實相
乖良有以質之江神然不然夜夢神來向我言坎德吾所司
變態異今古小姑彭郎事易誣黃公惶恐譌如許萬頃池非
納萬川九折泉甯分九股蠡測焉知海水寬井窺毋乃同膠
柱我聞此語豁然醒灘乎灘乎適我情乘風直放扁舟去萬
里清江秋月明

擣菹行

立談封侯轉瞬疾將軍百戰偏長屈七十一說無所投斗酒
換卻西涼州古今泡影夢幻同蒲博百萬一擲恣行樂朝呼
臬雉夜呼盧問君家豈儋石無酷嗜乃在牧豬奴人言此中
幸不幸亡羊得馬皆須與我歌一曲歌當哭人生每苦不知
足萬卷殘編不勝讀奈何日日醉夢中傾家蕩產稱英雄君
不見打睡詩魔吁可哂百二十刻逍遙盡何況黃金擲虛化

邱濂源

字月溪永
嘉諸生

秋草

零落江南倍可憐秋風蕭瑟欲霜天美人蘭澤愁如許公子
青袍信杳然九月沙塵悲牧馬六朝山色鎖寒煙天涯吾亦
多情客對此依依感暮年

河畔芊緜舊日情那堪重記踏春行也隨蓬鬢蕭蕭改不共
兩浙輜軒續錄

卷二十二

邱濂源

詔

查

又

愁心夜夜生長信宮中螢火冷黃雲塞外馬蹏輕相思空采
蘼蕪贈落月西州夢未成

只今陌上怕經過回首前朝恨若何心起荒陵嘶石馬月明
古道泣銅駝依然夢繞天涯遠偏是霜飛客路多惆悵當時
送行處可憐煙雨老婆婆

祝

字恩亭宣
平諸生

曉游石門洞

扁舟來洞口巖扉洗朝露愛此噴壁泉攬衣躡樵路宿雲未
離山殘月猶在樹不知徑幾轉倏與飛流遇雷聲墮天半百
丈挂縑素坐久生峭寒衣襟縈花霧謝公千載後遺迹尙可
溯愧彼石洞僧泉聲聽朝暮

兩浙輜軒續錄卷二十二

